

نبيل خلف

الأعمال الكاملة

مسرحيات شعرية
أوبريتات للأطفال



شرقيات

الأعمال الكاملة



دار شرقيات للنشر والتوزيع

الأعمال الكاملة

مسرحيات وأوبريتات للأطفال

نبيل خلف

الطبعة الأولى ٢٠٠٢

حقوق النشر محفوظة لدار شرقيات ٢٠٠٢



دار شرقيات للنشر والتوزيع

٥ ش محمد صدقي، هنى شعراوي

الرقم البريدي ١١١١١

باب اللوق، القاهرة

ت ٣٩٠٢٩١٣ فاكس: ٣٩٣١٥٤٨

غلاف: محمد فتحي

رقم الإيداع: ١٤٢٩١ / ٢٠٠٢

الترقيم الدولي 5-115-283-977 ISBN

نبيل خلف
الأعمال الكاملة

مسرحيات شعرية
أوبريتات للأطفال



دار شرقيات للنشر والتوزيع ٤

مقدمة

لا يكتب نبيل خلف للأطفال ، فحسب ، بل تساوره رغبة عارمة أن يكون طفلا ، وهو يفضل دائما الاحتفاظ بهذه الكينونة ، وأقل درجة من درجات الصدق مع النفس تمنع أى أحد أن يضيف صفة الكبير إلى هذه الوضعية التى يفضلها ، إنه طفل من الأطفال وليس طفلا كبيرا كما اعتدنا أن نقول فى مثل هذه الحالات ، وتنصهر وضعية الطفولة انصهارا كاملا فى وضعيته ككاتب ، ومن الاستحالة أن نفصل بين الكاتب والطفل فى عالم نبيل خلف ، فالكتكوت فى أوبريت الأم الخشبية (١٩٩٩) يحدد هويته ويختار لنفسه اسما فى ذات الوقت الذى يتعرف فيه على حروف الكتابة ، لاقبل هذا الوقت ولا بعده ، وتتمازج معرفة الذات بمعرفة الكتابة أو الرسم كما يؤثر نبيل خلف أن يطلق على الفن والأدب. ونيل خلف ككل الأطفال شغوف بأن يكون مبهرا ، ويغريه دائما أن يكون ولدا مدهشا يثير الانتباه والإعجاب ، ولعل هذا ما يجعل جميع الأحكام والملاحظات حول أعماله غير نهائية ، وغير قاطعة ، فما إن انتهى من كتابة "الأم الخشبية" ، واعتيرناه قد توصل أخيرا - بعد التطواف على

فنون الأدب المختلفة - إلى الفن الأقدر على استيعاب طاقاته الإبداعية
الخلاقة وعلى بلورة رؤاه والتعبير الأتم عن جوانب وجدانياته الكثيفة
المتشابكة ، حتى فاجأنا بشروعه في كتابة سيناريو فيلم مازال منهمكا
في معالجته .

ولد نبيل خلف في ١٩٤٧/٧/١٥ بأحد أحياء القاهرة التي تقع
على حدود أعتق الأحياء الشعبية، من جهة، وعلى مشارف أرقى
أحياء القاهرة، من جهة أخرى . وعلى الرغم من أنه قد تجاوز
الخمسين، وأن صورته لن تختلف في الواقع اليومي المعاش عن الصورة
التي قدمناه بها. فهو على موائد الاجتماعات يبدو أطول هامة من كل
المجتمعين ، وأعلام صوتا وأكثرهم ضحيجا ، يعكس عنف مناقشاته
كراهيته لعالم الكبار ، ومقته لأوراق أى لعبة رسمية ، لكنه يسدو في
حلقات الأولاد بسيطا ودودا وحنونا ومتعاطفا وطبيعيا ، يسليهم في
أحاديثهم بتلقائية ، ويسامرهم مستمتعا باشا باسماء ، ويتعامل معه
الأطفال الصغار بندية وألفة. ففي هذا الجمع وحده تسقط عن وجهه
أقنعة الجهامة والاكثاب ، ويشع الحبور من عينيه ، ضاربا عرض
الحائط بجميع مشاغله واهتماماته.

أصدر أولى مجموعاته الشعرية "الولد الرسام" عام ١٩٨٥ ، تلتها
مجموعته الشعرية الثانية "قمع السكر - ١٩٩٨. وبين المجموعتين نشر
نبيل خلف عدة قصص طويلة وروايات للأطفال ، من بينها "عطاء"
١٩٩٢ ، سمكة الشمس ١٩٩٢ ، والأم الخشبية " القصة " ١٩٩٣ ،
الرجل الغراب في غابة الضباب " رواية" ١٩٩٦ ، فراشة الأميرة

الحمراء - "رواية" ١٩٩٨ ، وهناك بالإضافة إلى ذلك قصص وروايات أخرى للأطفال لم تنشر بعد ، منها "تورة الأطفال" ، "جبل الصلصال" ، "مدينة الرجل الغراب" و "النهر يعزف الموسيقى" ، "فوشيا" ، "ضى" ، "كيس الفحم" . كما قام بوضع الأغاني لعدة مسلسلات تلفزيونية للأطفال الصغار كمسلسل "رحلة إلى الشمس" ، وكذلك أغاني عدد من المسرحيات قدمتها أجهزة الثقافة الجماهيرية - بوزارة الثقافة . وأخيراً هناك أوبريت "حلم في علم" التي قدمتها قناة الـ A.R.T وهي عن أحلام الأطفال العلمية في الألفية الثالثة .

وفي جميع هذه الأعمال ، تبدى وحشية الواقع ودمويته ، ووحشية الكبار المسؤولين عن هذا الواقع ، بمخازيه وشروره . وسيكون الخلاص دائما على يد الأطفال الذين لا بد أن يثوروا ، والذين يؤكد نبيل خلف دون كلل على مقدرتهم الفذة على إعادة أوضاع العالم إلى طبيعته الخيرة . فالأطفال كما يرى أكثر ذكاء مما نظن . ومن هذا المنظور يكتب للأطفال وعنهم وعن العالم حولهم ، بشكل يستفز أصحاب النزوع التقليدى في كتابات الأطفال ، الذين يادلهم نبيل خلف سخطا بسخط ، واعتراضا باعتراض . فهو بطبيعته يرفض النزوع إلى التعالى الذى يديه المؤلفون عندما يكون للأطفال عن المثل العليا ، فاضنين وصايتهم على عقولهم الحرة ، مستخفين بعقلياتهم القاصرة وذكائهم المحدود .

وتمكس ثورة الأطفال على الواقع فى قصص وروايات وأشعار نبيل خلف القيمة الوجدانية الأساسية التى تضع كافة هذه الإبداعات فى نسق عاطفى واحد ، الغضب ، ذلك لأن الولد الرسام يدرك تمامًا أن الفن والأدب ليسا بديلا عن الحياة ، وإن كانا موازيين لها ، وأن عشق النهر فى كرامة الرسم لا يغنى عن الانخراط فى الحياة ، فلن يقلل من جمال النهر وانسيابه البراق تنوعات الصخور الجرداء وصلابة الأرض وقسوتها . ويدرك الولد الرسام أيضا أن القبح تشويه وافسد ودخيل ، وليس صفة أصيلة للوجود ، فمفهوم الجميل يرتبط من وجهة نظره بسرمان القوانين الطبيعية للأشياء ، إنه حركة عباد الشمس المتجهة دوما إلى قرص الشمس . ولا ينتج عن توقف هذه القوانين عن العمل إلا الدمامة والقبح. إن التشوه والزيف واقتصاد الأمان تبدأ منذ اللحظة التى تتوقف فيها زهرة عباد الشمس عن حركتها الطبيعية لتدور فى عكس اتجاهها الصحيح. والجمال من هذا المنظور ليس مستحيلا ، إنه قيمة مثلى تكتمل فى صورة المطر فى حال المطول أو الشمس فى حال الشروق ، أو الشجرة فى حال النمو، أو أى صورة كانت فى حال الاكتمال. إنها الصورة المثلى التى ينشدها الوعى ويسعى إلى تحقيقها ومعايشتها ، وإقامتها على أنقاض العالم المرفوض. ولا يحجم نبيل خلف عن إدانة الولد الرسام الذى يكفى بالعشق المحبوس فى إطار الصورة ، فى إطار الأدب الذى لا يكتمل بالحركة والفاعلية ولا يهتم بالتأثير والتغيير. ويصر نبيل خلف على أن

يكون واحدا من هؤلاء الصغار يتطلع مثلهم إلى مستقبل بعيد يختلف
في نقائه عن الحاضر الذي أفسدناه .

رضا الطويل

أعمال نبيل خلف

قائمة ببليوجرافية

(أغسطس ٢٠٠٢)

مسرحيات وأوبريتات للأطفال

— الأم الخشبية : أوبريت للأطفال. القاهرة: دار شرقيات،

٢٠٠٠. ٩٦ ص.

— فراشة الأميرة الحمراء : أوبريت للأطفال. القاهرة: دار

شرقيات، ٢٠٠٠. ١١٨ ص : رسوم.

— أرنب وعقرب وفيل : أوبريت للأطفال. القاهرة: دار

شرقيات، ٢٠٠٢. ١٦٧ ص : رسوم.

حكايات وروايات للأطفال

— عطاء : رواية للأطفال. القاهرة: دار العروبة، ١٩٩٠.

٦٣ ص : رسوم.

- الأم الخشبية : حكايات للأطفال. القاهرة: دار العروبة، ١٩٩٣. ٢١ ص : رسوم.
- سمكة الشمس : حكايات للأطفال. القاهرة: [مطبعة العروبة]، ١٩٩٣. ٢٠ ص : رسوم.
- الرجل الغراب في غابة الضباب : رواية للفتيان والفتيات. القاهرة : دار الشروق، ١٩٩٦. ٧٤ ص : رسوم.
- زهرة اللوتس والضبفدع الثور. القاهرة: دار شرقيات، ٢٠٠١. [١٦] ص : رسوم.
- فراشة الأميرة الحمراء : رواية علمية للفتيان والفتيات. القاهرة: دار الشروق، ١٩٩٨. ٥٤ ص : رسوم.
- ثورة الأطفال: القاهرة: دار الشروق، ٢٠٠٢.


مجموعات شعرية للأطفال

- الولد الرسام. باريس: درويش برس.
- قمع السكر. القاهرة: دار شرقيات، ١٩٩٨. ٩٣ ص.
- الأمير الصغير. باريس: درويش برس، ٢٠٠١. ٨١ ص.
- مجلوان عشق وحنان : ثنائيات بالعامية المصرية. القاهرة: روانا للإنتاج الفني، ٢٠٠١. [٥٦] ص : رسوم.

- الحب زي الجوع : ثنائيات بالعامية المصرية. القاهرة :
روانا للإنتاج الفني، ٢٠٠١ ص : رسوم.
- امئى الكون بيرد ويموت : ثنائيات بالعامية المصرية. القاهرة
: روانا للإنتاج الفني، ٢٠٠١. [٥٢] ص : رسوم.
- حلم النملة : ثنائيات بالعامية المصرية. القاهرة : روانا
للإنتاج الفني، ٢٠٠١. [٥٢] ص : رسوم.
- ثلاثيات : أشعار بالعامية المصرية. القاهرة : روانا للإنتاج
الفني، ٢٠٠١. [٥٢] ص : رسوم.

الدراسات

- طفل الأحلام أم طفل الكوابيس : صياغة جديدة لسيناريو
العنف. القاهرة : دار شرقيات، ٢٠٠٢. ٨٥ ص.



نبيل خلف

الأم الخشبية

أوبريت للأطفال



ثقافات

الأم الخشبية

«أوبريت للأطفال»

الشخصيات

- (١) الجنرال حتوت
- (٢) د. حروفش الحوت
- (٣) القروود
- (٤) الشجرة القزمه (شجرة البامبو)
- (٥) الشجرة العملاقه (شجرة الزجاجة)
- (٦) فراشة التوت
- (٧) فرخ الدجاج شادي
- (٨) مذيع التليفزيون
- (٩) المخلوقات البكتيرية
- (١٠) الأم الخنثيه

المشهد الأول

أ- البرج

لافتة (مؤسسة الجنرال حتحوت - البرج) فى الزاوية المقابله
كمبيوتر ومكتبه ملائى بالإسطوانات الصغيره (أقراص
الكومبيوتر) وكتب ملقاه فى سلة المهملات يدخل الجنرال
حتحوت المسرح يصحبه خمسة قرود يرتدون زياً عسكرياً أزرق
اللون .. الجنرال حتحوت يجلس على مقعد إلكترونى .. يتجه
نحو النافوره الراقصه فى منتصف المسرح ، يدوس على زر فى
مقعده فتبدأ النافوره فى الرقص .

مزيكة الصباح	القرود :
لسيدنا إالى لاح	(ترقص حول المقعد)
شمال يمين ودر	
فى نشيد الإفتتاح	
داكل شئ مباح	
الرقص فى الممر	
والنوح أو التباح	
والخلق ع الرصيف	
بتقطلم الرغيـف	
وتقول يا شر إشتـر	
وتقشـر التفاح	
لسيدنا اللطيف	
تسقيف مخيف يا لطيف	

أستري يا رب أستتر
وحى على الفلاح

الجنرال حتحتوت يرقص حول النافوره وترقص القروء معه وتلوح
بالمسدسات الليزر .

الجنرال حتحتوت :
أنا كان يا مكان
ويكون
والناس نسخ الكريون
والعالم كله فى إيدى
واللى حيقوللى يا سيدى
له مستقبل مضمون
والأمراض الوراثية
فى خريطة إليكترونية
من جامعة السورىون
واللى حينطق بزياده
له عندى الف شهاده
وملف جينات كرتون

القروء :
(ترقص حول الجنرال حتحتوت)
ياسيدنا
وياسيدنا
يا فانسوس قايد
على موائدنا

قرد (١) :
يامدلنا
ومبغدننا

قرد (٢) :
ومجوعنا
وملودنا
(بصوت خفيض)

قرد (٢) :
إخرس يا بنى
دا حيرقدنا
(بصوت خفيض)

القرود :
يا سيدنا
ويا سيدنا
اليوم عيدنا
يا مهدهدنا

قرد (٤) :
والدكتور حرفوش
هددنا
بالبصمه الوراثيه
فى إيدنا

قرد (٥) :
حيبوس إيدك
وحيجلدنا

فرد (١) :
إخرس يا بني
دا حيرهدنا

القرود :
يا سيدنا
ويا سيدنا

ب- د. حرفوش الحوت

يدخل المسرح د. حرفوش الحوت وهو مصاب بداء يطلق عليه رعشة
الخروف.

فرد (١) :
حوش.. حوش
حوش.. حوش
في البرج وحوش
غريان برموش

فرد (٢) :
الحوت فرفوش
بيدن مرعوش
يدخل بشويش
في بساط منقوش

فرد (٣) :
يزغر له بطيش
حتحوت قراقوش

نسمع علي طول
نفسه المكروش

قرد (٤) :
ببقول كده ليه
إسم الله عليه
حبيبوس ف إيديه
ويرقص بقروش

قرد (٥) :
زي الأراجوز
بيقرقز لوز
ورغيف العيش
ما يعبرهوش

د. حرفوش الحوت يحاول أن يشق دائرة القروود التي تلتف حوله إلا
أنه يتراجع حين يهددونه بمسدسات الليزر .. يتجه نحو المكتبة
ويحضر مسدس الجينات.

د. حرفوش الحوت :
بص لتحتك
بص لفوقك
لا تسوق حد
لحد يسوقك

يضرب صدره بكلتا يديه كما تفعل الغوريلا عند غضبها ويتجه مره
اخرى نحو القروود موجهاً مسدس الجينات نحوهم .

د. حرفوش الحوت :

أنا حرفوش
السوبر فات
م البراكين
والحفريات
قُص جينات
من طير
ونبات
او من ريش
البغبنات
م الشمبانزى
وم الكانجارو
م الشجرايه
ومن باباشارو

القرود :

والزق فى البكتريا
وهات
دوا بيعالج
فى الليوكيميا
ضد التيتانوس
والدفتريا
وهذا القرود
المحتاج كليه
هورمون بشرى

لمرضى السكر
لقت مبرمج
للأزمات

الجنرال حثوت :

قُص جينات
والزق في جينات
انا ما فهمش
في الإختراعات
هات لى خروف
بيزوم ويهو هو

القرود :

هو هو هو هو

الجنرال حثوت :

أو معزه
على كتفى تتونو

القرود :

نو نو نو نو

الجنرال حثوت :

ديناصورات
ترقص وتصوصو

القرود :

صو صو صو صو

الجنرال تحتوت : على تراييزة
الإجتماعات

القرود تهاجم الدكتور حرفوش الحوت وتتزع منه مسدس الجينات
ويتراجع مذعوراً .

د. حرفوش الحوت :
يتهيأ لى
ويتهيأ لى
مخى أهو شاط
فى السمك الملقى
قرود مسنسن
بيبرق لى
وقرد مزين
راح يحلق لى
والجنرال تحتوت
بعلق لى

القرود تفسح الطريق ملواعيه للدكتور حرفوش الحوت ويتجه نحو
الجنرال تحتوت الذى أشار نحوه بحزمه من النقود الورقيه...

القرود :
يتهيأله
ويتهيأله
الحدايه

بتزوّق له
ويتطبّخ له
وتروّق له
والدولارات
بتطيرّ عقله

د.حرفوش الحوت يلتقط النقود من الجنرال تحنوت ويقبل يديه ثم
يقوم بعد النقود ...

د حرفوش الحوت :
أستاذ كرسى
وحظه فاشوش
والمنحوس موكوس
ملطوش
لو علقوا على صدره
بشروش
واللى بيعجن فى القراقيش
ياخذ الأجره
والبقشيش
ذنبي أنا إيه
يا سعادة البيه
رزق عيالى
أنا ماملكهوش

القروء :
يايو الريش إن شالله تعيش
رزق الهبل على المهايشش
(تضحك)

د.حرفوش الحوت يبعد برق عصا الجنرال حتحوت التى تكاد
تلتصق بكتفه .

د.حرفوش الحوت :
أنا متفرغ
لإختراعاتى
بس توفر لى
إحتياجاتى
طباخ تركى
وحاوى وحاتى
ومعمل ملكى
يساع أدواتى
مهما أغنى
ومهما أهاتى
بالعاميه
وبالخواجاتى
الزمار
لو علق طار
ع المزمار
يصبح قُرداتى

القروء تلتف حول د . حرفوش الحوت وترقص حوله بتهكم

القرود :

الدكتور الحوت بيغش
لما يهش
ولما يئش
العصفور بيطيير
م العش

قرد (١) :

والجنرال حتحوت
بيئش
قلبه الهش
زى القش
وجعان دايمأ
ما بيشبعش
م الفزلان
والفول والمش

قرد (٢) :

والخفّاش
بكّاش
فى الوش

قرد (٣) :

لما يعادى الشمس
تحش
ف عيونه فورأ
ولا تسألش

ويموت غلاً
ولا يفهمش

د. حرفوش الحوت يتجاهل القروء ويتجه نحو الجنرال حتحات
ممسكاً بزجاجة دواء ...

د. حرفوش الحوت : لا حاقول لأه
ولا أقول ليش
ع اللى بيدهن
قوله ورنيش
البكتيريا
وغيرها مافيش
عملت دوا
من حبة ريش
أرخص من
طرطور درويش

القروء : دوا بينقط
م الحنفية
يشفى المرضى
بشرية ميه
م الحسينيه
لبنجلاديش

الجنرال تحتوت :

دوا للحرافيش
مايطمنيش
ووزارة الصحة
ماتدفعليش
هيهات .. هيهات
من دى إختراعات
حتسنكر بيها
الأجزا خانات
من غير أمراض
إزاي حنعيش
أعمل بسكات
دوا للخواجات
لأرستقراط
فى بلاد الجات
وماتزعجنيش

القرود :

يابو الريش إن شالله تعيش
رزق الهبل على المهايش

ترقص القرود حول النافوره الراقصه ثم ترقص حول كرسى
الجنرال تحتوت...

قرود (١) :

بقرات .. بقرات
بقرات

لبن العصفور
فى موجات

بكتيريا للجملطات : فرد (٢)
ولينج العمليات

سم اللبلاب : فرد (٣)
بُهارات

نباتات تعمل مبيدات : فرد (٤)

بروتين وساعات هورمون : فرد (٥)
فى بطاطس م الأمازون

بيخفف م الصدمات : فرد (١)

بكتيريا باليوميه : فرد (٢)
فى الأفران الذريه
ويتقرم فى النفايات

خفافيش : فرد (٣)
من غير طرايش

بلا هندسه
أو تهويش

قرد (٤) : على برج الإتصالات

قرد (٥) : تباريح الريح
يا قميص
يابو وش أبيض
ومليح

قرد (١) : كهريا في الكرنفالات

قرد (٢) : والقش حيبقى حديد

قرد (٣) : والميه ذهب دولارات

د. حرفوش الحوت : ويطاطا
في الشيكولاته
تقلمها
بكل الاطه
تنجح
في الإمتحانات

الجنرال حتحوت :

والبكتريا
اللى تتور
ويجوز برضه
حتزمر
فى كلاكس
العرييات

القرود :

وحنشرب
لبن النعجه
وجوافه
فى شجرة منجه
وتصورنا
الكاميرات

ج-المخلوقات البكتيرية :

الجنرال حتحات يدوس على زر فى مقعده الإليكترونى فىدخل
المسرح تليفزيون على منضده ونرى المخلوقات البكتيرية فى قاع
البحر وهى مكعبة الشكل ولها رأس مربع وأقدام تشبه خيوط
العنكبوت تنبش فى الطين وتستخلص الذهب من ماء البحر .. المذيع
يقف على الشاطئ وينظر نحوهم بإنبهار .

المخلوقات البكتيرية : بنعيش فى أى مكان

فى التلج والبركان

فى صحارى أو وديان

فى اللؤلؤ والمرجان

بكتيريا (١) : وف صهاريج التبريد

فى مفاعل نووى بعيد

بكتيريا (٢) : أو سمكه تطرطش فيه

على ضفدع أو سحليه

يرسمهم عمو جوجان

بكتيريا (٣) : فى الأزمان البدائيه

عشنا الحرب الكونيه

- بكتيريا (٤) :
ودا مش عايز نظريه
فى الفيزياء النوويه
ومعادله او برهان
- بكتيريا (٥) :
لا معانا مدافع ليزر
ولاسلكى او تليفون
- بكتيريا (١) :
سوبر ميكروب ببيلع
ثانى اكسيد الكربون
- بكتيريا (٢) :
يحاربنا بالدخان
- المخلوقات البكتيريا :
بالأوكسجين غيرنا
العالم واتغيرنا
- بكتيريا (٣) :
داروين راح يزعل منا
لو قلنا او كررنا
- بكتيريا (٤) :
العرق صحيح بيمد
- بكتيريا (٥) :
أصل الإنسان مش قرد

المخلوقات البكتيرية : أصل الإنسان

.. إنسان ..

مذيع التليفزيون يخرج من شاشة التليفزيون ويحمل إحدى
المخلوقات البكتيرية .

مذيع التليفزيون : بكتيريا عجيبة عارفها

باستعجب على معارفها

والعلم إلى في أرشيفها

القرود : على رجليها وطراطيفها

والكركم إلى في طيفها

مذيع التليفزيون : وزمان كانت حراشيفها

القرود : في الميكروسكوب بنشوفها

مذيع التليفزيون : مين كبرها ونشفها

القرود : في قرار البحر حدفها

مذيع التليفزيون : وسبايك الذهب الأصفر

بتجمّعها في صدقها

القرود : تديها لحتحوت فوراً
ويتحنجل على كيفها

مذبح التليفزيون يدخل الشاشة والمخلوقات البكتيرية تلتف حول
مقعد الجنرال حتحوت

المخلوقات البكتيرية : كرسى الجنرال حتحوت
عدى حدود القسارات
نرى فى التليفزيون بعض اللقطات من أفلام والت ديزنى التى يبدو
فيها بوضوح أن العالم بسيط ولا يتعرض لأيه مشاكل جوهريه .

الجنرال حتحوت : هذا العالم
عالم ديزنى
عالم واحد
ويسيطر جداً

القرود : أبسط م الديك
إلى بيدن

المخلوقات البكتيرية : على ترايبيزه
فى بورصة لندن

الجنرال حتحوت :
سعر القايدة
فى بنك واشنطون

المخلوقات البكتيرية :
قرص الهامبورجر
بالمبسن

القروود :
والفيل دامبو
فى شجرة بامبو

الجنرال حتحوت :
بيهزهزنى
ويضحك جداً

المخلوقات البكتيرية :
على زلومته
وودنه المعدن

القروود :
لما بتلـزق
فى البيت لايبض
أو كوخ اصفر
ضيـق جداً

المخلوقات البكتيرية تغادر المسرح وتعود بسله من الخوص بها خمس
بيضات ملونه ...

جنرال تحوت : هذا العالم
يقدر يرطن
بلسان واحد
ويسيط جداً

المخلوقات البكتيرية : أبسط من كتكوت
راح يحزن
أو حيصوصو
بسبع تلسن

القرود : لما حينقر بيضه
فى مخزن

المخلوقات البكتيرية : ويدحرجها بإبره
ويحقن
إنسان آلى
فى جامعة بوسطن
المخلوقات البكتيرية ترقص حول النافوره وهى تحمل سلة البيض ،
القرود والجنرال تحوت يرقصون أيضاً ...

المخلوقات البكتيرية : هिला .. هिला
هوبه
هिला .. هिला
هوب

القرود :
الدكتور حرفوش
أرنب

المخلوقات البكتيرية :
والجنرال حتحوت
يكسب

القرود :
م الكتكوت والديب
والدب

المخلوقات البكتيرية :
م اللي بيغطس
واللي يقب
م الأسد اللي يموت
ع العشب

جنرال حتحوت :
واللي يجيب
من بنك العين
جفنين طلازه
أو رمشين
أو فصين
من بنك القلب

القرود :
عينى يا ليلى
وليلى يا عين

الكتكوت
وحدانسى
بيشّـب
من غير أم
ومن غير أب
والأم الخشبيه
بضـب
فى المعمل
ترقص وتدب

{نهاية المشهد الأول}

المشهد الثانى

أ-مختبر علمى

مختبر علمى حديث .. لافته كتب عليها (معمل د.حرفوش الحوت -
دكتوراه فى الهندسه الوراثيه) أدوات المعمل على المنضده .. جوارها
سلة الخوص التى تحتوى على البيضات الخمس الملونه - المخلوقات
البكتيريه تلتقط السله وتحملق بها ثم تضعها على المنضده
...د.حرفوش الحوت يمسك بأدوات المعمل ثم يلتقط بيضه ويحقق
بها وينظر نحو المخلوقات البكتيريه بإنبهار .

د.حرفوش الحوت : مين حيفيّر بكره الدنيا
العُلماء ولا البكتيريا
مين حيشوف مع حسن النيه
بقع الشمس المغناطيسيّه
والبصمات الكيمياءيه
فى صخور القشره الأرضيه
والألماظ لما بيتبلور
فى البراكين والشهب الحيه
وهيّه الأرض بتسخن ليه
أكثر م الصوب الزجاجيه
وبتهتم وتسأل ليه
فى المريخ إبتدت الدنيا
أو فى الأرض البركانيه
والبكتريا الأرجوانيّه

بتخلق لى وتضحك ليه
وتقرى كتاب هندسه وراثيه
تغزل تلج وتوب كروشييه
ع الأشجار الإستوائيه
والكتكوت يزعل من إيه
وهو يا دوب تجربه علميه

بكتيريا (١) :

هيه الجبنه النستو
البقره
ولاً الشمس
فلاش الكاميرا

بكتيريا (٢) :

ليه بنشوف
الببيضه فى قشره

بكتيريا (٣) :

مش فى صفارها
أو فى بياضها

بكتيريا (٤) :

نفتح سله
ونقل جره
ما بنعرفش
إيه إالى بيجرى

بكتيريا (٥) :

مين دحرجها
ومين حبييضها

شجره قزمه وشجره عملاقه يقفزان من النافذه ويلتفان حول
المخلوقات البكتيرية ..

الشجره العملاقه :

الكتكوت

(شجرة الزجاجه)

راح يطلع

يقرا

الشجره القزمه :

أو حيروح

(شجرة البامبو)

لجاليليو

بفكره

المخلوقات البكتيرية :

بكره يطير

بصاروخ

فى مجره

الشجره العملاقه :

وف منقاره

بلحه

وجزره

المخلوقات البكتيرية :

مين ف ايديه

الخيطل والإبره

الشجرة القزمه :
كتكوت شاف
الشمس فى ذره

المخلوقات البكتيريه :
ولّا الحوت
بريموت
من بره

الشجرة العملاقه :
أو حتحوت
حيشد البكره

فرخ الدجاج ينقر بيضه ويصعد على حافة السلّه المخلوقات
البكتيريه والشجران يرقصون حول المنضده ..

الشجرة القزمه :
تاتا .. يا تاتا
وحنرقص له
ونغنيه ونهيص له

الشجرة العملاقه :
أمه بعيده
ويتندهله
وبالتهيده
بتنقر له

المخلوقات البكتيريه :
حابا .. يا حابا
مين فى الغابه

راح يحلب له
حليب الناقه
وينقط له

مش حنقوله
ولا حنعيد له
بدء رقاقه
وراح نخبز له

الشجره القزمه :

فى سبوعه نرقص
ونسقف له
فدان حمص
حنقش له

الشجره العملاقه :

كتكوت عشرين
وحنغير له
عرض جناحه
وحنعدل له

بكتيريا (١) :

طول منقاره
وحنبرمج له
شوقه للغابه
وعزوة أهله

بكتيريا (٢) :

- بكتيريا (٣) :
ونهندس وراثياً عقله
ونفك الشفرة وحندله
- بكتيريا (٤) :
وحرير صينى راح نغزل له
وقطن طويل التيله نزرع له
- بكتيريا (٥) :
وسرير سفرى
راح نقرش له
- الشجره القزمه :
ريالات فضه
راح نحذف له
- الشجره العملاقه :
من منقاره لذي له نبلسه
ونغطيه بكوفرته تليق له
- المخلوقات البكتيريّه :
ننه ينام .. ننه ينام
- والشجرتان :
بيغنيله بسط الشام
ويبرقص له سرب حمام
وسننوا أبيض
بيوشوش له
- *فرخ الدجاج يستغرق فى النوم

ب-الأم الخشبية :

تدخل المسرح دمية خشبيه حمراء تشبه دجاجة الغابه وتعلق فى رقيبتها أوج إلكترونى صغير .. يحركها ريموت كنترول لا نراه ... تهز منقار فرخ الدجاج حتى يصحو من النوم .الشجرتان تدفعان الدمية الخشبيه وترقصان حول فرخ الدجاج وتشاركهما فى الرقص المخلوقات البكتيريه .

الشجرتان :
كوكوكوكو .. كوكو
يا حدوده
بلا دوشه وروشه
ويلا زيطة

المخلوقات البكتيريه :
ما عرفش الكتكوت كتكوته
ولا كركى بيقطم بسكوته
والغنوه ولا الزغروته
من صوت البومه العفريته

الشجره القزمه :
شقشقة العصفور فى التوته
زلومه الفيل المبطوطه

الشجره العملاقه :
منقار البطه البطوطه
من رجل الكرسي المخروطه

المخلوقات البكتيرية : ولا قوله "ماما" ولا تيته
ولا صورة "جدو" على الحيطه

الشجرتان : حنية أمه الحقيقيه
من حضن الدميه المسخوطه

فرخ الدجاج يتجاهل الشجرتين والمخلوقات البكتيرية ويقلد الدميه
الخشبيه فى عزفها ويرقص حولها

بكتيريا (١) : النجار
يخرطها ويشكى
والكتكوت
يحضنها ويبكى

بكتيريا (٢) : أمه الزين
م الخشب الموسكى
والجناحين
للنسر الملكى

بكتيريا (٣) : والجفنين
لفزال المسك
والمنقار
خنجر أو سونكى

بكتيريا (٤) :
وف عينها الجوز
عسكري م اليانكى
يقرقش جوز
حلبى أو تركى

بكتيريا (٥) :
والمهموز
بيغزه فى قلبى
والكتكوت
ملكها مش ملكى

الشجرتان تشعران بالإحباط حين يتوقف فرخ الدجاج عن العزف
وينام على جناح الدمية الخشبية .

الشجرتان :
كتكوت ننه
يقرب منا
ولما يشوف الدمية يهج

الشجرة العملاقه :
مش قادره أفهم ليه متغمسى
وايده بتتبش ليه فى الأورج

الشجرة القزمه :
حاسه بآنسى
حابكى واغنى
وطار من عقلى
آخر برج

الشجرة العملاقه :

شمس بتغرب ولا بتشرق
مين بيجمع .. مين بيفرق
هيه فروعى ليه بتططلق
لما يصوصو ولا يزعق
جذعى ييشهق ويبترج

الجنرال حتعوت يدخل المسرح على مقعده الإلكتروني يتبعه
د.حرفوش الحوت والقروود تقفز من النافذه .

الشجرتان :

الحدوته زى ما هيه
كتاكت رايحه
وكتاكت جايه
والدكتور الحوت فى البرج
يفتح درج ويقفل درج
هنا دولارات وشيكات م البنك
هنا عملات لبلاد الزنج

الشجرة العملاقه :

آه م الآهه اللى بتفزعى
م اللى زرعنى
وراح يقلعننى
واللى يخلى جدورى سفنج

الشجرتان تنظران بحسره لأوراقهما التى تتساقط على الأرض

الشجرتان : حد يا حد
يا كتكوت مد
الجنرال تحنوت
مش قرد
بالكراييج
حيفوت ويعد

الجنرال تحنوت يطارد فرخ الدجاج ويلتقط برتقاله من أحد القروود
ويعطيها له فيدفعها فرخ الدجاج بمنقاره .

الشجرتان : حيقشّر لك برتقانايه
ويقطع لك فى الجزرايه
وحيعصر لك فص لارنج

أحد القروود يحضر حقنه كبيره جداً ويعطيها للجنرال تحنوت ..

الشجرتان : وانت بتشرب م الكويايه
وقبل ما ترمى الثقل ورايا
راح يدلك حقنة بنج

الدميه الخشبيه تغادر المسرح وتعود بمكنسه كهربيه وتقوم بتشغيلها
لكنس أوراق الشجرتين وتدور دوراناً مجنوناً وتكاد تدهس فرخ
الدجاج الذى يشهق من الخوف ..

الكنكوت :

قلا قلا قونه
قلا قلا قونه
دنيا غروره
ومش مأمونه
مين مع مين
ومعايا يا لمونه
شمس التوت
أو شمس بؤونه
شجرة بامبو
تمللى رزينه
شجرة بتشبه
للبيرونه
قرد بيرقص
فى البلكونه
والبكثيريا
ماهيش مفتونه
بأوى العاقله
والمجنونه
اللى بتبدو
عطوفه حنونه
وساعات تدهس
بالحلزونيه

{نهاية المشهد الثانى}

المشهد الثالث

تتسلل من النافذه خلسه فراشة مبرقشه بألوان شتى وتداعب فرخ
الدجاج وترفرف حوله ..

الفراشه :
كتكوت نونو
يجوز من سنى
صوصو مره
صوته فتنى
على جناحينه
شعرايه حمرا
وشعرايه بنى
نفسى أصاحبه
وخايف منى

تخرج الفراشه من النافذه بينما يواصل فرخ الدجاج الرقص على
موسيقى الأغنيه ثم تعود الفراشه بكراسة رسم وقلم فحم ، تعطه
الكراسه والقلم ، يقلب فرخ الدجاج فى كراسه الرسم ..

فراشة التوت :
إرسم شجره
فرخ الدجاج :
لأ مش حارسم
فراشة التوت :
سمنكه فى مجرى

لما أتعلّم	فرخ الدجاج :
إرسم وزه بتجرى بعزه	فراشة التوت :
لما أبقي أعرف أكتب إسمى أنا ما عرفش الواو م الهمزه	فرخ الدجاج :
آه .. على فكره أنت إسمك إيه	فراشة التوت :
أنا ما عرفش إسألني أمي	فرخ الدجاج :
دي مش أمك ولا ده عشك	فراشة التوت :
حيلك .. حيلك مهلك .. مهلك مش بالعافيه أنا حارتاح لك أنا مش توتك ولا كتكوتك	الكتكوت :

ولا حرشوفه
من جناحاتك
ولا خرشوفه
سقوها بعسلك

فرخ الدجاج يهرب من الفراشه التي تلاحقه فيتجه صوب الدميه
الخشبيه التي تجلس أسفل النافذه دون حراك وتطارده الفراشه ..

فرخ الدجاج : هو أنا يا ختى
كان بايديه
اشرب دوغرى
البيضه التيه
واجرى اندهلك
واسأل فين
امى الحقيقه
وهيه قصاڊى
وشقُتها قبلك

ينتزع فرخ الدجاج كراسه الرسم من الفراشه ويفتحها على الصفحه
التي تحتوى على الحروف الأبجديه ويرفعها بتحدى فى وجه
الفراشه ..

فرخ الدجاج :

مهما أتفلسف
أو أتزلك
النول نولك
والقول غزلك
حاصبح فصله
وحرف فى جملة
وتبغى فيه
وتشترى فيه
بسعر الجملة
والمستهلك

فراشة التوت :

(بحزن)

أنا مش قصدى
وربنا يعلم
بكره حتفهم
وحتعلم
والتلميذ
راح يبقى معلم

جنرال حتحوت :

يا معلم
العلم إتقدم
وحتفهم
لما حنتحكم

القروء : وحتبكى لما حيتبسّم

د. حرفوش الحوت : ونسيطـر
ع الكون ونعلم
امثالك إزاي يتكلم

القروء : إتكلم وأصرخ يا معلم

جنرال حتحوت : والأم الحقيقيه بتسى
فى الغابه بتلاعب الترسه
وحتعسر لما حتعششم

القروء : والدنيا تليّل وتعلم

د. حرفوش الحوت : حتشوف التلفاز
والسيما
وحترطن
زى الفهيمه

القروء : وحينشر منقارك يا أهتم

جنرال حتحوت : وحتلعب جمباز
تقسيمه

بلياردو
وشطرنج
فى روما

د. حرفوش الخوت :
وحتقلب
من قبل ما تلعب
وحتاخذ
نياشين بالكومه

القروود :
وان جت لك
غيبويه او كوما
حيصونك
ربنا ويسلم

جنرال حتحوت :
وآدى أمك
وذى موضه قديمه
تتعفرت
لما حتتعلم

القروود :
تدعيلك
على قبة زمزم

د. حرفوش الخوت : من نُقره لحفره لدحديره
بتدور
على نمله وطيّره
وتعيط
على حبة سمسم

القروود : يا حلاوتك وانت بتقسّم

جنرال حتحوت : والأم الخشبيه عظيمه
وحترقص سوسته وبريمه
وحتفّرح
لما حتتقدم

القروود : روح جهّز أنبوية مرهم

د. حرفوش الخوت : وف إيدك مسمار وصاموله
عدّلها وليستّها كافوله
وإعملها البطه البليوله
ولا يمكن أبداً راح تتدم

القروود : وحتهرب لما حتتأزم

جنرال حتحوت :
سميها الأم الموسيقية
وأوزنها بجرام ووقيه
تديلك
فى صفات فيزيقيه
تدفع لك
عربونها مقدم

القرود :
حتدوسك
لو كنت فى قمقم

د. حرفوش الحوت :
وحتضن بجناحها ضلوعك
وحيصح نوعها من نوعك
لا مؤاخذه حيكون مرجوعك
للمعمل
مهما حتتظلم

يفتح الباب ونرى الريموت كنترول مره اخرى .. الأم الخشبيه ترقص
على إيقاع الأغنيه السابقه وحتضن فرخ الدجاج وتكاد أن تمتصر
جناحيه فيصرخ من الألم...

فرخ الدجاج :
آه م الآه
وحاروح على فين
وأمى بتعصر

بالجناحين
آه م الآه
ونا حاشكى لمين
ريشى إتفتفت
فتفتوتين
آه م الآه
ويا ليلى يا عين
منقار امى
ستانلستين
آه م الآه
والأوضه شبرين
حاعرف إمتى
الزين م الشين

المخلوقات البكتيرية تدخل من الباب والشجرتان تدخلان من النافذه
ويرقصون حول فرخ الدجاج ..

الشجرتان

والمخلوقات البكتيرية :

هيا .. هيا

هويه

هيا .. هيا

هيه

الشجرتان :

نقر البيضه
شاف فى الأوضه
أمه الموضه
بترقص سامبا
بالبرمودا
وتقول هيه

فراشة التوت :

ينسى الغابه
لاستوائيه
والكتكوته
المعجبانيه

الشجرتان :

اللى بتتقر
فى الفجريه
رز معمر
فى الدقيه

المخلوقات البكتيريه :

والبكتريا
الصيدلانيه
اللى تخمّر
فى الزبيده

فراشة التوت : لما حيشرب
منها شويه
على طول ينسى
أمه الخشبيه

الشجرتان : بالكوكوكوكو
السيمفونييه
حيقول هويه
ويقول هيه

الشجرتان والبكتيريا
وفراشة التوت : هيللا .. هيللا
هويه
هيللا .. هيللا
هيه

فرخ الدجاج يقلب فى صفحات كراسة الرسم ثم يبدأ بجديه فى
محاولاته فى الرسم ..

فرخ الدجاج : حارسم كدهو
شمس فى تابلوه
غضبانه يا هو
من نجم بديل
بيكيد فى أخوه

الشجرة العملاقه :
يايو نص لسان
إرسم غزلان
كانجارو بردان
يليس قمصان
من صوف تريكو

فرخ الدجاج يرسم شمساً ذات عيين مستديرتين وأنف صغيره
وشفتين صغيرتين ..

فرخ الدجاج :
حارسم كدهو
شمس فى تابلوه
(بإصرار)

الشجرة القزمه :
ارسم زرافات
تركب سحابات

فراشة التوت :
عصفور بمايوه

فرخ الدجاج :
حارسم كدهو
شمس فى تابلوه
(بإصرار)

المخلوقات البكتريه :
والميكروسكوب
والكاليدوسكوب
وخليه لشجره
بالمقلاوب

- الشجرة القزمه : شجرة بامبو
- فراشة التوت : بكتيريا بتلعب
مع أرنبوب
- الشجرة العملاقه : تزرع له
الجزرايه
اللى تدوب
- الشجرة القزمه : من أول قطمايه
فى مشروب
- فراشة التوت : تخبز له جاتوه
- الشجرة العملاقه : وتكبر مناخير
الدبدوب
ويديله بتضرب
أبو مركوب
- فرخ الدجاج : بالقلم الفحم
انا حارسم رسم
ماحصلش يا هو

الشجرتان :	سموه .. سموه
(تقبلان فرخ الدجاج)	على إسم أبوه
فراشة التوت :	لأ حانسميه
	على إسم سيزان
المخلوقات البكتيرية :	لأ حانسميه
	بابلو بيكاسو
الشجرتان :	طب ما نسميه "أحمد نوار"
فراشة التوت :	ويجوز برضه "وهيب نصار"
المخلوقات البكتيرية :	محمود بقتشيش أو بهجورى
الشجرتان :	محيى اللباد
فراشة التوت :	بهجت عثمان
المخلوقات البكتيرية :	حلمى التونى
فرخ الدجاج يرسم رأس دجاجة ويوقع بإسمه الذى إختاره أسفل اللوحه (شادى) .	

فرخ الدجاج :

انا شفت كثير
وعرفت يا طير
فيه فرق كبير
بين حضن الدميّه
اللى بتطير

الشجرتان :

وتزفر
زى رياح أمشير

المخلوقات البكتيريّه :

وبتلدع
زى جيوش دبابير

فرخ الدجاج :

والفرخه أم الحضن الكشمير

فراشة التوت :

والشمس إالى تدقى العصافير

فرخ الدجاج :

وانا إسمى إختارته
بدون تفكير
شادى إالى بيرسم
فى المناقير
على خد الشمس
وع المناخير
بالقلم الفحم

وبالطباشير
وبيريش جناحيه
ويدون الغير

الشجرتان والمخلوقات البكتيرييه وفراشة التوت يحملقون بدهشه فى
اللوحة التى رسمها فرخ الدجاج شادى '

فراشة التوت : ماتقوليش
السوير مان
أو بات مان
والإنترنت

المخلوقات البكتيرييه : أو نملسه
تعدى الخلجان
تلعب طايره
أو باسكت

الشجرتان : أول صفحه
فى الجورنان
باللون لاحمر
فى المانشيت

فراشة التوت :

أول لقطه
فى العنوان
أول مشهد
فى الكلايكيت

المخلوقات البكتيرييه :

الكتكوت
شادى
الفنان
نقرش إسمه
بالأركيت

الشجرتان وفراشة التوت
والمخلوقات البكتيرييه :

حادى يابادى
يا كتكوت شادى
يا لالا نعدى
من الناحيادى
خطى العتبه
من غير "دادى"
وأطلع أوبح
ع الشجرادى

يتجه فرخ الدجاج نحو الباب ويطوى كراسة الرسم تحت جناحيه
ويتبعه فراشة التوت والشجرتان والمخلوقات البكتيرييه .. يتوقفون
فجأه حين يستمعون ديبب أقدام وطرقعة كراييج .

فرخ الدجاج
وفراشة التوت
وال مخلوقات البكتيريّه :

هيم .. هيم
هيم .. هيم
مش راح نرجع
ولا حنسلكم

الشجرتان :

عمك سمسم
لسه مصنم
والمفتاح يرميه
فى القمقم

فرخ الدجاج :

هيم .. هيم
هيم .. هيم
مش راح نرجع
ولا حنسلكم

فراشة التوت :

والشمس بتطفش
وتغيّم

المخلوقات البكتيريّه :

والقرد يشمشم
ويتمتم

فرخ الدجاج :

هيم .. هيم
هيم .. هيم

مش راح نرجع
ولا حنسلّم

والطير أبابيل
بيقول للفيـل
ويلك ويا ويل
لو نتقدم

الشجرتان :

ولا بد نفوت
يا نعيش يا نموت
جنرال حتحوت
وشك كركم

فرخ الدجاج :

همّ .. همّ
همّ .. همّ
مش راح نرجع
ولا حنسلّم

الجميع :

(الشجرتان وفرخ الدجاج وفراشة التوت والمخلوقات البكتيرية
يفتحون الباب عنوه)
{نهاية المشهد الثالث}

المشهد الرابع

الجنرال حتحوت يحاول أن يدخل من الباب على مقعده
الإليكترونى ويتبعه د حرفوش الحوت والقرود الخمسة الذين
يؤرجحون مسدسات الليزر ويدفع الجيش المتراص من فرخ الدجاج
وفراشة التوت والشجرتين والمخلوقات البكتيرية إلا أنهم يصمدون
فى مواجهته .

الشجرتان وفراشة	جنرال حتحوت
التوت وفرخ الدجاج	ريتك .. ريتك
والمخلوقات البكتيرية :	لم الكرايبيج
	وأدخل بيتك

الشجرتان :	ما عرفنا خلاص
	بصمة صوتك
	شفرة مفتاح
	باب ملكوتك

فراشة التوت :	دكتور حرفوش
	مش حيغيتك

فرخ الدجاج :	جيشك الفتاك
	عزك .. صبتك

المخلوقات البكتيرية :
وقرود تتمنى
اليوم موتك

فرخ الدجاج "شادى" :
وحتضرب بكره
بنبوتك

جنرال حتحوت يشق الصف بمقعدہ الإلكتروني ، يقف فرخ الدجاج
امامہ بتحدّ واضح .

الجنرال حتحوت :
(متهكماً)
هلا ها لله يا هو
هلا ها لله يا ريت

كتكوت حموه
بالجاز والزيت
مرعب جبّار
منقاره منشار
بيقص النار
ويشق جدار
بعود الكبريت

القرود الخمسه تطوح بالكرايبج لتهديد فرخ الدجاج

"قرود الخمسه" :
لما يقول لأ
بنخش الحق

يرعبنا الصوت
والهيبه والصيت

جنرال حتحوت :
كتكوت بصحيح
ينفخ فى الريح
جبل الجرانيت
يصبح فتافيت

د. حرفوش الحوت :
جايز ويجوز
الساحر أوز
بيقشر موز
وصباع ديناميت

الجنرال حتحوت والقروود يطوفون حول فرخ الدجاج ويرقصون

الجنرال حتحوت والقروود :
هلا هاللة يا ريت
يا مغيت .. يا مغيت

فرخ الدجاج شادى :
أنا خايف موت
يا فراشة التوت

فراشة التوت :
لو خضت تموت

فرخ الدجاج شادى : مش حاقد ر أطير
وأعدى وأفوت

الشجرتان : إهدى يا كتكوت

فرخ الدجاج شادى : طلب حاعمل إيه
فى عصاية الحوت

المخلوقات البكتيرية : إهدى يا كتكوت

فرخ الدجاج شادى : فرخايه بريموت
كرايبج حتحوت
أنا خايف موت
يا فراشة التوت

فراشة التوت : إهدى يا كتكوت

د. حرفوش الحوت يطوح بعصاه يمنه ويسره فى وجه الشجرتين ..

إنتى طولتى	د. حرفوش الحوت :
بجرام واحد	(يشير للشجرة العملاقه)
م الهورمون	
وإنتى قصرتى	(يشير للشجرة القزمه)

بالبكتريا
فى قص لمون

المخلوقات البكتيريّه : هو العلم
داحزمة ليزر
أو حرفوش
أبو بدله بليزر

فراشة التوت : لما يبرمج
بيضه فى فريزر
وبكتريا
الجينه الشيدر

الشجرتان : الكتكوت
يغزل له بلوفر

فرخ الدجاج شادى : وينظريه
أو بلدوزر

المخلوقات البكتيريّه : أو بمعادله
سخيفه وأوفر

ويعريته اللاندر كروز	فراشة التوت :
هل يتصور أنه يغير عرض الموجه في الأمازون	الشجرتان :
أو في ملامح لوجه في اللوفر	فرخ الدجاج شادي :
أو تمثال توت عنخ آمون	فراشة التوت :
أو يتخيل إنه يعدل في مسار دوره لشمس آمون	الجميع :
بالبكتيريا غزيت الدنيا دويت التلج في سيبيريا	الجنرال حثوت :

وعالجت الأرنب
والحيه
وزرعت القوطه
فى خدوديه

د. حرفوش الحوت :

م النفائات
من قشر الفول
بتطلع للناس
بتسرول
وقمصان موضه
ويناطيل جينز

الجنرال تحتوت :

والعلم المقبول
دولارات
مش إختراعات
لعلاج الإيدز

الشجرتان :

العلماء التجار
أشرار
مش شطار
على باب الكنز

فرخ الدجاج "شادى" : العلم الحلم
الفرحه الأم

المخلوقات البكتيرية : وجاليليو
هى نجم بعيد
بيضم

فراشة التوت : والادريسى
اللى بيرسم
فى خريطة العالم
ويقسّم

فرخ الدجاج "شادى" : ويبعكلنا
من غير رسم
عن أسرار
مقياس الرسم

المخلوقات البكتيرية : ويبيدنا
فرنك وين

الشجرتان : ويودينا
جبال بتئن

فراشة التوت :

ولنحلايه
فى الهمالايا

فرخ الدجاج "شادى" :

بتوشوش وردايه
وٲـزن

الشجرتان :

العلم خيال
وجمال وقتون
مش شيك مضمون
فى بنوك كرتون
فى باريس وسويسرا
أوف لـيون

د. حرفوش الحوت :

شجرات عنديه
وغبيه
ومصيرهم لسه
فى إيديه
وراثياً عدلت فى نوعهم
فى جدورهم وف شكل فروعهم
دلوقتى حيسقطوا من طولهم
أو يمكن فى اللحظة الجايه

- فرخ الدجاج "شادى" :
تقلع شجره
نزرع غيرها
- فراشة التوت :
مليون شجره
ونرمى بذورها
- الشجرتان :
فى قلب الصحرا
وحنظُـسُـرها
- فرخ الدجاج :
وإن عندت
ويانا المطره
- فراشة التوت :
ولو قالت
على كيفى
أنا حره
- المخلوقات البكتيريّه :
وإنهمرت
على قصر الأمرا
- فرخ الدجاج "شادى" :
حننط النطه
فى مدارها

الشجرتان :

وحششد سحابه
بضفايرها

الجميع :

ويلايدنا
وارادتنا الحره
حددنا
مصيرك
ومصيرها

جنرال حنحوت :

والكتكوت ده حيكبر جداً
وف لحظات راح يسمن جداً

القرود :

من غير ما ندقه
بلايد الهون
ونقص رقبته
بالحلزون
فى العلبه السلفر
والكرتون
حنرشه بفلفل
وبكمون

فرخ الدجاج "شادى" : أنا خايف موت
يا فراشة التوت

فراشة التوت : إهدى يا كنتكوت

جنرال حتحوت يضغط على أحد الأزرار فى مقعدة الإليكترونى
فتتطلق صفارات الإنذار والأضواء التحذيرية كإشاره للهجوم ،
القروود تتلکأ فى الهجوم فينطلق نحوهم جنرال حتحوت بغضب
ويصيب أحد القروود .

القرد المصاب : آدى نقطة دم
فى طرف الكم

القروود : هِمَّ .. هِمَّ
هِمَّ .. هِمَّ
الدم عداوه
وشجرة هم

القرد المصاب : بنحارب ليه
ولمين نهتم

القروود : هِمَّ .. هِمَّ
هِمَّ .. هِمَّ

القرود المصاب : يستقينا من الشهد
العلقم

القرود : هِمَّ .. هِمَّ
هِمَّ .. هِمَّ
بنحارب ليه
ولين نهتم

القرود المصاب : إخواننا أهم
وصحابنا أهم (يشير لفرخ الدجاج والشجرتين
وفراشة التوت والمخلوقات البكتيرية)

القرود : هِمَّ .. هِمَّ
هِمَّ .. هِمَّ

القرود المصاب : والبكره أهيه
مين راح يلضم

القرود : هِمَّ .. هِمَّ
هِمَّ .. هِمَّ

القرود المصاب : والسكه أهيه
مين يتقدم

(القرود تنضم الواحد تلو الآخر لفرخ الدجاج والمخلوقات البكتيرية
والشجرتين وفراشة التوت)

-القرود ورفاقهم الجدد يحاصرون الجنرال حتحوت ود حرفوش
الحوت وينتزعون مسدس الجينات من د حرفوش الحوت ويخرجون
الكرات المعدنية الصغيره من خزانة المسدس ويلقوا بها على الأرض
ويصوبون نحوهما مسدسات الليزر .

القرود :	جنرال حتحوت
(ورفاقهم الجدد)	ريتك .. ريتك
(تكرر عدة مرات)	خدنا الطلقات
	وأدخل بيتك

(الجنرال حتحوت ود حرفوش الحوت حين يحاولان الهرب من
النافذه يتعثران فى الكرات المعدنية ويسقطان على الأرض إلا أنهما
ينهضان مره أخرى ويهربان .

فراشة التوت :	يا شمس بؤونه
	وشمس آيار
	أحلى نهار
	للطير لو طار

الشجرتان :	ولما يبشرق
	م الأمطار

أو بينقّر
فى الأشجار

المخلوقات البكتيريّه :

الأشجار
حيخشوا النار
والشطّار
إتولّدوا
كبار

فرخ الدجاج :

انا حابنى العشه بتاعتى
وأرسمها فى كراستى
بالقلم الفحم وريشتى
والدنيا مهما حاتشتى
ولا نقطه حتطول شوشتى

- يتجه الجميع إلى الغابه -

الجميع :

الحدوته جديده
ياتوته
ولا محكيه
ولا ملتوته
راح نرسمها
ونلونها

ونحنفـرـها على
أشجارنا
والغابه برحه
ونتكفينا
مش حتساع حد
فى وسطينا
والدكتور الحوت
حيموت
لما حيقـرى
فى أسامينا
والجنرال حتتوت
عكروت
حنشيله بكره
من حكاوينا

فرخ الدجاج :
(يحملق نحو الشمس)

الشمس
ماهيش
فى المعمل
ولا صوره
راح تتسجل
فى الأقمار
الصناعيه
ولا منحنيات

أو جدول
ورموز
في معادله
لمعدل
أو مصطلحات
علميه
لما يتعس
وتكسّل
برموشها
غاويه
تشكّل
في السحابات
الفضيه
يحلّو الجو
يا أنكل
وينطالع
تل
وننزل
من غير
خيمه
وشمسيه
لما بتفضب
نتبرجل

نجرى
ونفتح
فى البرجل
ع الغابه
البرتقانيه
وينسأل
توت
وسفرجل
ع الشجرايه
اللى تضلل
عشه أمة
الحقيقيه
مش حاقدر
اقول م الأول
لما حنوصل
راح أكمل
لما أشرب
م الفسقيه
والشمس
ومهما
حيحصل
مهما العلمما
حتعدل

موسوعه
أو نظريه
راح نقراها
ونتخيّل
ونشوفها
فى المستقبل
وحتفضل
زى ما هيه

الجنرال حتحوت :
(موجهاً حديثه للقرد "١")
قرد غريب
ومريب وحزين
رقمه يطير
زى البنزين
مليار يمكن
أو صفرين

(موجهاً حديثه للقرد "٢")
قرد هجين
وعامللى رزين
رقمه كتبتّه
فى قرص عجيب
مش عارف أقرى
شمال ويمين

{النهاية}



نبيل خلف

فراشة الأميرة الحمراء

«أوبريت للأطفال»

الشخصيات

- ١) رنا «فراشة الأميرة الحمراء»
- ٢) الأم
- ٣) الأب
- ٤) الشمس
- ٥) السرطان الناسك
- ٦) البجعة
- ٧) القطة
- ٨) البطريق
- ٩) الفراشة الملكة
- ١٠) الفراشة المحارة
- ١١) الفراشة الطاووس
- ١٢) الألوان الثلاثة

المشهد الأول

أ. الصباح

(رنا) تستيقظ، من النوم في غرفتها المكونة من مكتب حديث لونه غير تقليدي (أحمر أو أصفر أو أزرق) وجهاز تليفزيون بلازما معلق على الحائط وسرير من النحاس مذهب، وكوميدينو وتسريحة من الألباستر ونرى بعض الرسومات غير الواضحة، وبعض المعادلات غير المفهومة على مرآة التسريحة بالقلم الفلوماستر وتحتها توقيع (ماما)، سبورة حديثة وساعة حائط غير تقليدية ويبدو أنها ثمينة، وثلاثة صناديق أسفل النافذة (أصفر، أحمر، أزرق) ودُمى ولوحات لبعض الطيور مثل البطريق والبلشون ولوحة كتب عليها فراشة الأميرة الحمراء وصورة أبيها معلقة فوق المكتب ولوحة لزهرة اللؤلؤ. رنا ترتدي بلهفة ملابس البحر وتجهز أدوات البحر ثم تفتح النافذة، وتدخل الشمس ويناتها الألوان الثلاثة: الأزرق، الأصفر، الأحمر. (ويراعى في الديكور أن يعلق على الحائط صور للطيور والحيوانات التي وردت في الاستعراض أو يعلق دُمى لبعضها).

الشمس والألوان الثلاثة: الصبح .. الصبح
الصبح

رنا: الصبح عسل وخليب
شجرة زعتر أو طيب
الشمس والألوان الثلاثة: يتفوح في نسيم الصبح

رنا: عصفور التوت بالنأي

الشمس والألوان الثلاثة : يتسوكل على مـولاي
ويغنى نشيد الصبح

الشمس : والندى عرق السحابات
تفرد صدرها مقاسات
الشمس والألوان الثلاثة : ينزل على مين الصبح

رنا : والبيعة الوردة تبيض
والشمس تدفى البيض
الشمس والألوان الثلاثة : على شجر البحر الصبح

الشمس : محارات تحلم بالرمل
ويتحفرزى النمل

الشمس والألوان الثلاثة : هـيلا هـويا وهـيلا للصبح

رنا : وحمـام يرى في مـروج
يتصالح مع فـروج

الشمس والألوان الثلاثة : يغزلوا في العنـص الصبح

رنا : والبلبل عـ الجمـيز
مش على شجر البراوير

الشمس والألوان الثلاثة : ييشوف بعيون الصبح

رنا :
والدب أبو جلد حرير
يفرد في الغابه حصير

الشمس والألوان الثلاثة : يستنى طلوع الصبح

الشمس :
والصبح بريق العجاج
والعصفور التسّاج

الشمس والألوان الثلاثة : ينسج على نوله الصبح

رنا :
وانقرضت ديناصورات
ماشافتش ماهو آت

الشمس والألوان الثلاثة : ولا حلمت مره بصبح

الشمس :
سمكات أو سحليات
حنركب لها عندسات

الشمس والألوان الثلاثة : لجل ما تحلم للصبح

الشمس :
والناس البرمائية

راح تتنفس فى الميه

الشمس والألوان الثلاثة : تلعبع البر الصبح

والوجيه المجانية : رنا :
م الغابة المرجانية

الشمس والألوان الثلاثة : نديها للكل الصبح

الشمس : والنورس دكر الوز
حياخدنا لبحر العز

الشمس والألوان الثلاثة : وحسناته للصبح

رنا : فى قرار البحر صحاري
بابا نزلها بلواري

الشمس والألوان الثلاثة : وآلات الحفر الصبح

رنا : بالمرايات الشمسية
زرع الصحرا البحريه

الشمس والألوان الثلاثة : ويخضر وش الصبح

(يراعى فى الديكور أن تصمم لوحه يُرسم بها مدينة تحت البحر
يقيم بها البشر بدون أجهزة للتنفس أو الغطس ويزاولون حياتهم
بشكل طبيعى. يمكن تنفيذ ذلك بالفيديو بروجيكتور على شاشة
كبيرة في خلفية المسرح لتبدو طبيعية تماماً).

رنا :
وحنسكن تحت البحر
ناكل فى خيار البحر

الشمس والألوان الثلاثة : نرقص كدهو للمصبح

(الشمس ترسم على سبورة "رنا" البحر بلونه الأزرق وبعض طيور
البحر البيضاء، ورنا تتزع منها الطباشير بغضب، ويمكن أن تكون
السبورة مرسومة سلفاً أو يمكن الاستعاضة عن ذلك ببقعة إضاءة
زرقاء أو جهاز ليزر يعطى شكل البحر على السبورة).

رنا :
(بتحدى)
بتلونى ليه بطباشيرتي
ويتسمى ليه ف سبورتي
البحر الأزرق أزرق
وانا نفسى ارسم بمزاجى
البحر بلونه العاجى
أو أخضر زى الفسكق

الشمس والألوان الثلاثة :
(باعتماد واضح بالنفس)
مين يخلق لون من غيرى
باملا الدنيا بتصاويرى
لو شافها بيكاسو حيشهق

"رنا" تخرج لسانها للشمس ولألوان الثلاثة وترقص حولهم.

رنا :
العالم كله دا مرسوم
من حقي أرسوم أو أحلم
(تخرج لسانها للشمس)
والحلم يجوز يتحقق

(رنا ترسم على السبورة البحر بلون مختلف "أخضر مثلاً" ويمكن حدوث ذلك بإضاءة خضراء أو على ورقة رسم مرسومة سلفاً ثم تلتفت بقلق نحو الساعة . حينما تدق، الشمس والألوان الثلاثة يلتفون حول رنا ويحملون في الساعة).
اللون الأحمر : الساعة

(بقلق)
تدق .. تدق
واللون الأصفر :
وحصان الصبح
(بقلق)
يزق
واللون الأزرق :
في ثواني
(بقلق)
راح تنطق

رنا :
ودقايق
ليه تشهق
(بقلق بمنزعج بالإحباط)

الألوان الثلاثة :
لما بنقول الحق
(بصرامة)
ليه رنا لما بتقلق
الشمس :
تحمّر عينيها وتضيّق
(بتعاطف واضح)

رنا :
ماما وعدتني بفسحة
للبحر ونفسي أصدق
(بحزن)

الألوان الثلاثة :
ومامتها راحت فين
سافرت
أو دخلت حُق
(بنهكم واستهجان)

الشمس :
طار
من غير جناحين
ولا قالت آه ولا لأ
(بنهكم)

(رنا تخرج من الكالوس الأيمن ثم البناتيل ثم الكالوس الأيسر
ويبدو على وجهها القلق).

الشي :
زعلانه ليه وكشرتي يا بنتي
ماما حترجع بعد شويه
وعشان خاطري إضحكي دلوقتي
حتروحى الرحلة البحرية

رنا :
أنا حاخذ على خاطري وحازعل
لو راحت ماما على المعمل
راح تنسى الرحلة البحرية
طب ليه وعدتني من الأول
(بغضب)

الشمس :
(برزانه وتعقل)
يمكن فى المعمل بتكمل
تجربة علمية وتتأمل
ضفدع بينقنق وسمندل
أو دودة القز اللى بتفزل

الشمس والألوان الثلاثة يلتفتون نحو يمين المسرح فنرى الأم فى غلاف بيضاوى شفاف يشبه كيس الرحم ترتدى البالطو الأبيض ومنهمكة فى تجاربها العملية ولا تشعر بوجود "رنا" وتحوطها منصة دائرية بلاستيكية وضع عليها أنابيب اختبار مملأى بسوائل شتى مختلفة الكثافة وملونة بألوان متنوعة بعضها به أوراق شجر والبعض الآخر يحتوى على ضفادع وحشرات مختلفة ونرى فراشات مجففة من شتى الأنواع مثبتة على لوحة بيضاء ونرى فى التجاويف الدائرية المنتشرة فى المنصة قنينات مستديرة تحتوى على خلايا نباتية وحيوانية فى سائل يسبب الجلى وبرطمانات زجاجية تمتلئ بحبات الدواء ومعلق على الحائط لوحات لعلماء من جنسيات وعصور مختلفة مثل: جاليليو، نيوتن، مندل، أينشتاين، وعلماء عرب مثل ابن سينا وعباس بن فرناس وأبو الحسن البصرى وابن الهيثم وزويل ولوحة لزوجها عالم البحار، ونرى على المنصة أيضاً ميكروسكوب إلكترونى وكومبيوتر محمول.

الأم :
فى المعمل بانسى الدنيا
وسنين بتعدى فى ثانية
وباعيش أجمل لحظاتي

(تثقل السوائل من أنبوبة إلى أخرى فتتغير ألوانها وينطلق البخار الملون من بعض الأنابيب ثم تخرج الأم من دائرة الدخان وتظهر في الميكروسكوب الإلكتروني لورقة شجرة وضعت على شريحة زجاجية)

الأم :
واتعلم من البكتيريا
لغة الفيزيا والكيميا
أو تركيب الذرات

(تمسك باللوح المثبتة عليها الفراشات المجففة وتحملق فيها)
الأم :
والجغرافيا الفلكية
م الفراشات الملكية
أو صياد المحارات

(تشير نحو لوحات العلماء المعلقة على الحائط)

الأم :
أينشتين حواليه
بيعدل فى النظرية
ويكتب لى معادلات

(إظلام تدريجى على المعمل حتى تختفى الأم ثم تتابع الإضاءة "رنا"
التي تدخل الكالوس الأيمن للبحث عن أمها ثم تدخل أحد البناتيل
وتعود دامة العينين من الكالوس الأيسر).

الشمس :
ايه زعل "رنا" للدرجادى
(بلهفة)

الألوان الثلاثة :
يايه زعل "رنا" للدرجـادي
(بلهفة)
رنا :
ماما نسيت في الأصل ميعادي
(بحزن)

الشمس :
ما سابتش جواب ع الكوميدينو
(بهدوء يشوبه الحزن)
أوع التسريحه الألباستر

(تشير الشمس نحو الرسومات المرسومة على مرآة التسريحة).
رنا :
رسمت بالقلم الفلوماستر
(بحيرة)
الألوان الثلاثة :
رسمت بجعايه بريش أشقر
(يصطنعون المرح)
نعامة ببيجاما في مدغشقر

رنا :
أنا آسفة مش قادره أعبر
(بحسم)
الشمس :
طائر الفردوس اللي يكركر
(تعطعن المرح)
عل بحسر لذيز زى السكر

رنا
(بحسم)
الألوان الثلاثة :
بنوته بتـحلـو وتكبـر
(يصطنعون المرح)
تغطس في البحر وتتمختر

رنا:

(بغضب يشوبه الحزن)

رسمت لى البحر بلون أصفر
سمكات ع الرملة ويتفرفر

الشمس:

(بتعقل واتزان)

نعذرها وضرورى نقدر
يمكن مشفوله بشيء أكبر

رنا:

(بغضب واضح)

أعذرها أزاى قبل ما أفكر
والفسحة يا ريتها حتكرر

ب - فراشات الأحلام

الشمس تخرج من النافذة لحظة الغروب ويتبعها اللون الأزرق ويبقى اللون الأصفر والأحمر، حين تتابعها "رنا" تلمح ثلاثة صناديق أسفل النافذة، صندوقاً أحمر، صندوقاً أصفر، وصندوقاً أزرق. تُحدث الفراشات الأسيرة أصواتاً طنانة ورفيفاً وأصواتاً أخرى تشبه النقر على الطبول .. رنا تفتح صندوقاً تلو الآخر فتخرج الفراشات الثلاثة. (يراعى فى الديكور أن تبدو الصناديق مثل السجون).

الفراشات الثلاثة :	الحلم الكون
(باستهجان)	إزاي حيكون
	فى مريع أو صندوق كـرتون

الفراشة الملكة :	هيه السماوات
(باستهجان)	تنزل ع الأرض

رنا :	ولاً الفراشات
(باستهجان)	يتطير بالعرض

الفراشة الطاووس :	هيه السحابات
(باستهجان)	يتخش سجون

رنا :	كان نفسي أروح
(بحزن)	للبحر وأبـروح

وأرُفرف مع طير البلشون
(تشير رنا نحو لوحة لطائر البلشون ثم ترفرف مثله).

الفراشة المحارة : قولى لماما العلامة
(بتهكم) العلم ازاي ييقى في كراكون
(تشير الفراشة المحارة نحو الصناديق التي تشبه السجون).

رنا : أنا فى الصندوق
(تدخل فى أحد الصناديق)
باحلم بعقوق
والحلم فى عتمة ماهوش مضمون
ثم تخرج بعد أن تتم جملتها

اللون الأحمر : الحلم يعيش
(بحسم) فى ضريح مسكون

اللون الأصفر : حلم الحرافيش
(بشوق) بالندى واللون

الفراشة الملكة : برغيف العيش
(بشوق) ولحوم فى صحنون

الفراشة الطاووس : بالبحر الواسع
والبلكسون

الفراشة المحارة : بالشمس الدافيه

فى البـدرون

اللون الأصفر :
ينقشه بالإيد
عيل فى رشيد

(الفراشات تغنى هذه الجمل بأسلوب ينم عن التمرد والثورة).

اللون الأحمر :
هيه الأحلام
طلسم مدفون
(يعترض)

الفراشة الملكة :
أو نقش فى معبد
للفرعون
(تعترض)

رنا :
كلنا نقــــراه
مش شاميليون
ولا علمــــا
فى حملة نابليون
(بحسم)

(الشمس تدخل من النافذة مرتدية رداءً أسود وتحمل حقيبة سفر
تشبه النجمة وتشع بالضوء - رنا تجرى نحوها ويبدو عليها القلق -
الفراشات تلتف حولها وتتأمل رداءها الأسود بخوف).

رنا :
الشمس إسودت كده ليه
الشمس إسودت كده ليه
ماباخافش من اللون الأسود
الشمسى :

وبافصل فستان دانتيل
وبازوق شعري بزمرد
وباسافر دايماً في الليل
باتونس بسحابة بترقص
وتمطر حمص ع النيل
وحانور في بقية العالم
وارجع لك تاني يا جميل
(تداعب "رنا" كي تهدئ روعها)

رنا: حتسافري وحافظل وحديه
(بقلق وحزن)
الشمس: انا حارجع تاني الصبحية

رنا: ما هي ماما قالت انا جايه
وماجاتش لحد اللحظادي

الشمس: منقدرش اتأخر ولا ثانية
ونا دايماً بارجع في ميعادي
وياريتني كنت أفضل جنبك
والاعب بنوتتي وأدادي
وأدفي سريريك يا حبيبتي
ولا أضايقك أبداً بيعادي

(تستعد الشمس لفراق رنا وتبدأ في مغادرة خشبة المسرح ويبدو
على وجهها علامات الحزن الشديد ورنا تهزول نحوها)

الشمس :

باى باى يا عروستى وبى باى

رنا :

تسيبىنى لوحديه إزاي

الفراشة الملكة :

نجم الفحم
يا نجم الفحم
قمر الثلج
يسبح ع الشحم
والشمس اسودت
م الفحم

(بهلع)

الفراشة الطاووس :

في غروبها
طفش الأرنوب
وفاكرها
قرن الخروب
ساب حجره
ومشى بالقلوب

(بقلق)

الفراشة المحاره :

والتمعلب
شمشم ع اللحم

(بقلق)

الفراشة الملكة :

يا صاروخ ولّع
قنطار فحم

(باسلوب تحذيري)

رنا:

(باسلوب تحذيري)

قــــول توت
تــــوت
يا زغنطوط
أو زمــــر
والبس زعبوط
سوق بالليزر
حط يا قــــوت
ومــــوتور ذرى
في الكبــــوت
قبل ما ياكلك
نجم الفــــحم

الفراشة الحارة:

(باسلوب تحذيري)

حــــي شــــدك
ويــــهــــدك
ويــــخــــليــــك
فتافيت من فحم

رنا:

(تحاول تهدئتهم)

العــــلــــمــــا
في مرصد برلين
وف حــــاوان
ويــــاريس
ويــــكــــين
بتاسكوبهم

قالوا تنين
ونا بابا قال
أصغر من قزم

مع ذلك
يا مهالك
هو الأمر
والمالك
بمزاجه
يهدم ممالك
وكواكب
أو سوبر نجم

الفراشة الطاووس :
(بخوف)

(الشمس تعطينا مصباحاً ملونا بألوان الطيف وتلuskوباً)

غصين عنى رحلت وجيت لك
وأنا فى غروبى تملأ أندهلك
مهما حايحصلى ويحصل لك
انا جنبك وأقرب من ضلك
فى تلسكوبى الكون الواسع
ومليون نجمة حتتور لك
وفى مصباحى ألوان طيفى
فى العتمه دايماً حتدلك

الشمس :

رنا :

أنا باطمئن لما بأقـابـلك
بافتح لك قلبي وبارتاحلك

الشمس السوداء :
(بنبرة تبعث على الأمل)

مهما يحصل
ألف أزمة
دنيا حلوه
وليها لزمه

اللون الأحمر :
(يستعيد الثقة)

شمس شابه
وضوء في حزمه
مش عجزوه
ونجمه فحمه

اللون الأصفر :
(يستعيد الثقة)

والشهب
مطر النجوم
أو سحابات
البلازما

الشمس السوداء :
(بثقة وحسم)

نجم دقـدق
في الفيوم
اسطى فاهم
المهمه

رنا:

(تملق فى التلسكوب)

ويتلسكوبي
اللاسلكى
شفت شمس
تشق عتمه

اللون الأحمر:

(بفرح)

شفتها
بعد الغروب
بالبنفسج
تستحمى

الشمس السوداء:

(بأسلوب الحكماء)

كل شىء
فى الكون
فى حركه
والغروب
مش لحظه دايمة

رنا:

(بنبرة توحى بالأمل)

عدي نجماتك
يا دنيا
مش يجوز
فيه شمس تانيه
شمس توأم
أخت ليّه
بكره تيجى

فى ميكروثانيه

والشروق
بنوته فاهمه
كون بيتمدد
ويكبر

الشمس السوداء :
(بثقة)

ليه يا أمى
يا دوب نفكر
نرسم ازاي
زاويه قايمة

اللون الأصفر :

عمري يطول
ألف مره
لما ارفرف
في المجرة

الشمس السوداء :
(بثقة)

مش حاخاف
من نجمه
حمرا
أو شمس
مرت بصدمه

رنا :
(بثقة وحسم)

ج. الإحباط

مارش عسكري يمهد لدخول والدته "رنا" (تدخل والدته رنا بهرولة فتخاف الفراشات وتدخل الصناديق) (ويراعى أن يكون دخول الأم بشكل مباغت وديبب أقدامها يشبه ديبب أقدام الجنود وأن تلقى كلماتها بأسلوب القائد الذي يلقي بتعليمات أمرة).

الأم :
كلتي .. شربتي .. قلعتي .. لبستي
واتسرحتي وقمتي ذاكرتي
شربتي كاكاو بحليب وفطرتي
إيه صحاكي كده من بدرى
يبقى قلقتي لما حلمتي
بقنفد أو ضفدع بجوانتي
أو بمجامعه فى الأطلنطى
الأحلام عبثيه يا بنتى
ومالهاش معنى لو فسررتى
ونا وياكي سنتى بسنتى

(الفراشات تخرج من الصناديق خلسة).

الفراشة المحارة :
فسحة "رنا" نسيته
ليه ما جابتش سيرتها (باستهجان وتهكم)

(رنا تعطي ظهرها لأمها وتتجه نحو المكتب وتمسك بصورة أبيها وتتأملها بحزن).

رنا :
(بحزن وغمي)
نفسي يا بابا تيجي دلوقتي
م السفرية وتدخل أوضتي
وتوديني البحر الأحمر
وتحقق لي حلم طفولتي

(رنا تحملق نحو يمين المسرح في ذات المكان الذي ظهرت فيه الأم
في معملها من قبل فتري الأب في غلاف بيضاوي شفاف يشبه كيس
الرحم ويرتدي زياً يجمع بين زى العالم والقبطان ويجلس في معمله
البحري أمام كومبيوتر محمول يتابع الأعاصير والعواصف والرياح
على شاشته ونشعر من خلال حركة الإضاءة على الكيس الشفاف أنه
في قرار البحر ويمكننا أن نرى بعض الأسماك والحيوانات البحرية
على شاشة الكومبيوتر أو على الغلاف الشفاف ذاته .. الأب ينهض
ويلتفت نحو رنا).

الأب :
سكر .. سكر
رنا بتسفر
تيجي ويايا
البحر الأحمر

(رنا تهزول نحو أبيها حين تسمع صوته وتحاول أن تدخل الغلاف
الشفاف وتعجز عن ذلك وأبوها يقف في مواجهتها تماماً ويضع كفيه
على كفيها).

الأب :
مين حياخدها
ويهدهدها

الدرفـيل
أو حوت العنبر

(الأب يطوف داخل الغلاف الشفاف ويبحث عن منفذ لدخول ابنته
"رنا"، رنا تطوف معه في ذات الوقت خارج الغلاف).

الأب : لوف جرابها
 البجعة تجيها
 وتركبها
 البحر الأحمر
 أنا حاديلها
 سمكه في ديلها
 وف منقارها
 حنة سكر

(الأم تهزول نحو "رنا" وتجذبها بعيداً عن الغلاف الشفاف .. إظلام
تدريجى على الغلاف حتى يختفى الأب).

الأم : الأحلام عبثيه يا بنتى
 مالهاش معنى لو فسرته (بإصرار وصراة)
 (تكرر)

رنا : في الأحلام غنواتى
 تجربتى الطفوليه (بتحدى)
 شخبطتى ورسوماتى

وعلبة ألوان ميه

وأحلى كتاب حبيته
أو حدوته خرافيه
وفراشه بتدور
عن معنى الحرية

الفراشة الملكة :
(بتحدى)

السما حدفت مره
غيمه على كركيه

الفراشة المحارة :
(بدلال)

(الفراشة المحارة تشير نحو لوحة لطائر الكركى أو تمسك بدمية له).

هيه تحتدفع روحها
ع الأرض الصخريه

الفراشة الطاووس :
(تستفسر)

سندتها بجناحها
وصوابها الخلفيه

رنا :
(بدلال)

الطير برضه بيعلم
بالهجره الشتويه

الفراشة الملكة :
(بحكمة)

عدى جبال وفيافى
يحللم بالذريه

الفراشة الطاووس :
(بدلال)

الفراشة المحارة :
يوصل عشه الدافى
بالبوصله الشمسيه
(بدلال)

الفراشة الملكة :
ويشتى فى أفريقيا
وأمرिका الجنوبيه
(بدلال)

الأم :
الأحلام عبثيه
مش مفاهيم علميه
(بإصرار وصرامة)

رنا :
الأحلام بصريه
وبألوان طبيعيه
بتخلينى أتحرر
م الأزمه النفسيه
(بتحدى)

الفراشة الملكة :
أو خوفك م الوحده
فى الأوضه القبليه
وحنينك للفسحه
والرحله البحريه
(بتعاطف)

الفراشات الثلاثة يلتفون حول رنا ويهددهونها)

الفراشات الثلاثة :
إسم الله
وما شاء الله
رنا نقش
(بدلال)

في دانتيل
وهريس
وكرامله
وعروسه من المرمر
وصنوبرع التله
حتسافر ويانا
وحتصبح م الشله

إوعى تروحي وياهم
أو تفرحي بالرحله
أنا باعرف مصلحتك
ودي كائنات متحامله

الأم :
(بصيغة الأمر)

أنا آسفه ومش حاقد
أبقى رموز في معادله
راح أسافر وياهم
من غير زاد ولا بوصله

رنا :
(بحسم)

" الأم تنزوي في أحد الأركان وتستسلم لحالة من الإحباط وتظر
بحزن تجاه رنا، الفراشات تنظر نحو الأم بدهشة".

حاجه تحيّر.. حاجه تحيّر
ماما بتزعل من رنا أكثر

الفراشة الملوكه :
(بحيرة)

الفراشة الطاووس :
(باستهجان وتهكم)

هيه الوردہ لو عطشانہ
مین یسقیہا بمیہ وسکر

الفراشة المحارة :
(باستهجان وتهكم)

والشجرایہ لو غضبانہ
من ریح قطعت توبہا الأخضر

رنا :
(بغضب)

مین یصالحہا بہدمہ جدیدہ
ویحمیہا بمسک وعنبر

الفراشة الملکة :
(بتعاطف)

والبنوتہ لوزعـــــــــــــــــلانه
مین حایخدها فی حضنه ویعصر
(الأم تطلب الأب تلیفونیاً من معملها ویجب علیها من معملہ
البحری).

الأم :

رنا زعلت منی وبتعافر
حتاخذہا الفراشات وتسافر
ونا خایفہ علیہا وحاتجنن
بتسعدنا دایماً للآخر

الأب :

خلیکى معاہا وصالحیہا
معقوله نسیبہا وحدیہا
ولابد نقدر مشاعرہا
غلطتہا یاماما وعالجیہا
(الأم تقترب من رنا لكنها تجری نحو الفراشات الثلاثہ ویبدو علی
وجهها الغضب) (الإضاعة تشمل رنا والأم دون الفراشات).

الأم :

لو رحلتى لنهاية العالم
دا مؤكد وضرورى نتفاهم
مش ممكن نبعد عن بعض
لو عشتى في سنبله القمح
وسكنتى في نوايه البلحه
مش ممكن نبعد عن بعض
لو رحلتى لقطبين وصحارى
أو كوكب أزرق وسماوى
مش ممكن نبعد عن بعض
لو سقتى مركبه فضائيه
وسبقتى الريح الشمسيه
مش ممكن نبعد عن بعض
وسافرتى لنبتون وعطارد
ولجبيل المريخ البارد
مش ممكن نبعد عن بعض
أنا وإنتى ذرة في خليسه
بندول الساعه الذريه
بنلف ندور على بعض
يا فراشه ضمينى بجناحك
بالشمس الدافيه فى صباحك
أنا واقفه باتكتك م البرد
حاطع لك سماوات وأنزل لك
وأززع لك ورده على تلك

وحاغير في خطوط العرض
وأدعي لك
رينا يغفر لك
يسامحنى
لما أبعد عنك
ويا ريتنى ما خلفت الوعد

(الإضاءة تركز على الأم وهى تجمع أدوات البحر المبعثرة على الأرض
وبعض الدمى لبعض الطيور).
تضع أدوات البحر بحرص على المكتب وتضع دمىة (على هيئة
درفيل) على سرير رنا وتغطيها ثم تتجه للوحة فراشة الأميرة
الحمراء وتتأملها بعمق ثم تتأمل لوحة "زهرة اللؤلؤ" التى تتألق مثل
اللؤلؤ وتحملق بكدر وضيق لملابسها القاتمة اللون (رمادية أو سوداء)
وهى تكرر بالغناء أو بالحوار (بادعيلك رينا يغفر لك، يسامحنى لما
أبعد عنك، وياريتنى ما خلفت الوعد). وحين تقترب من بقعة الضوء
التي بها "رنا" يحدث الإظلام وتمد يديها في الفراغ المظلم.

(نهاية المشهد الأول)

المشهد الثاني

رنا "فراشة الأميرة الحمراء" والفراشات واللون الأحمر والأصفر والألم
تجذبهم دوامة ضوئية وتسحبهم كأنها مغناطيس ضخمة على القدرة
لمكان آخر مجهول الهوية).

الأم :
عدينا من الثقب الأسود
لكواكب أجسام الأرض

الفراشات الثلاثة :
ووصلنا جزيرة الأحلام
وحنحلم كلنا مع بعض

رنا :
(بصيغة التمني)
كنت بأحلم
ليه ليلاتي
بالزهور
أو بجناحاتي
نفسى أبقى
فراشه حمرا
وأشرب
الشهد النباتي

(الفراشات تلتف حول "رنا" وتركب لها أجنحة الفراشات والتاج..)

رنا (فراشة الأميرة الحمراء) :
سكر نبات ..
(بفرح)
.. سكر نبات

حلم الفراشه
بالنباتات
ولزهرة اللؤلؤ
حنين
لبن الشجر
بالفيتامين
بيروج لمين
غير للبنات
والشمس
تعجن بالحليب
في فطيره
باللوز والزبيب
ويتخبز
الحلم العجيب
حلم البنات
بالأمهات
بيروج لمين
غير للبنات

(تدخل الأم بعد أن أصبحت (زهرة اللؤلؤ) وتحتضن رنا (فراشة
الأميرة الحمراء)).

الأم: حلمي كده
يا زمرده (بلهنة)

يا يقوته زرقا
من الفضـا
يحمّر
من طيف النجوم
يـزرّق
من لون الفيوم

يخضّر
من قطرة ندى

رنا (فراشة الأميرة الحمراء) :
(بدلال)

دلع البنات
ع الأمهات
من قبل
عصر الأهرامات
والأغنيات
والهدده

الأم :
(بحكمة يشوبها التعاطف)

ونا نفسي أشرب
م العصير
يا زهرة اللؤلؤ
وأطير
وأرقص على تاجك كده

رنا (فراشة الأميرة الحمراء) :
(بفرح عارم)

تتصفح رنا (فراشة الأميرة الحمراء) كتاب العلم وتتأمل صورة
السرطان الناسك. يدخل من النافذة السرطان الناسك وهو يرتعش
من البرد وتلحق به الشمس*.

أبو جلمبو	رنا (فراشة الأميرة الحمراء) :
لأ سرطان	(بتهكم)
حيوان بحري	
له عنوان	
تحت الميه	الشمس :
وع الشيطان	
غيروا اسمه	الفراشة الطاووس :
في الجورنان	
في الموسوعة	الفراشة المحارة :
والإعلان	
وأبو جلمبو	رنا :
ليه بردان	
من غير ودعه	
أوفستان	
بكره حيلبس	الشمس :
بدله ستان	
أوجلابيه	
من الكتان	

(موسيقى صاخبة توحى بالخطر تتضمن مؤثرات صوتية لكوارث طبيعية مثل الفيضانات والأعاصير والعواصف - السرطان الناسك يبدو على وجهه الغيظ ويتحدث إلى الجمهور).

السرطان الناسك :
بكره يشوفوا
أبو جلمبو
حي عمل إيه
أدعى عليهم
ولا أجاريهم
ولا أغنى
وأقول بُريه

(لحظة صمت)

إيه المانع
لما أهأدهم
وأبوس أيدهم
في الماتينييه
ولما أتمكن
راح الودهم
وأهددهم
في السواريه
(الأب يدخل المسرح في تلك اللحظة).

الآب :

(بقوة وحسم)

انا م الأول مش مسرتاحلك
ولا يمكن أبداً حاسم حلك
بتهدد أحلامهم ليه
انا عالم بحرى وحاشرحلك
لنهاية العالم راح أروحك
وأنا بالعب جودو وكراتيه
لجل اعرف أصلك من فصلك
راح أقصص صدرك ومفاصلك
والبدلة الحمراء الساتانيه

(السرطان الناسك يهرول نحو الشمس وهو يرتعش من الرعب).

السرطان الناسك :

(بخوف وعلع)

مايحش حد يهددنى
يحاصرنى يا شمس ويرصدنى
وانا باحلم فى جزيرتك ليه
تستنى لما حيف حصنى
فى المعمل بكره يفحصنى
يفرمنى مع سمكه فيليه
وأنا هنا فى حمايتك ساعدنى
وخدينى لحلمى وودينى
ما تردى وتقولى او كيه

(الفراشة المحارة تعطى جهاز رصد الأحلام للشمس).

الشمس :

كلاكلا كيت

كلا كلا كليت
هاتى جهاز
رصد الأحلام
(الشمس تضع جهاز رصد الأحلام بغيظك على رأس السرطان
الناسك).

أبو حلمبو
وأبو حلمبو
حلمه بيكبر
زى مخالبه
الشمس:

رينا يستر
ما اللي ف قلبه
واللى فى عقله
واللى فى عبه
رنا:

حلمه مريب
وعجيب وغريب
الفراشة المحارة:

زى التعلب
ولا الديدب
الفراشة الطاووس:

لما يصاحب
سرب يمام
الفراشة الملكة:

الشمس :
قست شعاع الفا أو بيتا
(بنظ)
ولسه المخ فى حاله نشيطه

الفراشة الملكة :
يلا تجهّز في الكاميرات
(بلعة الامر)
والديكورات عمليه بسيطه

السرطان الناسك :
تخرجوا حلمى بلا إضافات
(بأسلوب كوميدى)
والمزيكا بترومببيتا

الفراشة الطاووس :
والفرقه الموسيقيه لشيتا
(بدلال)
أو لفراشه وقمله قطيطه

الشمس :
والألوان م الورد البــــري
(بدلال)
مش صبغه كيماويه عبيطه

رنا (فراشة الأميرة الحمراء) :
من عصفور الجنه الزهرى
(بدلال)
مش إعلان يبرق ع الحيطه

(الفراشة الملكة تمسك بلوحة الكلايكت).

الشمس :
كلا .. كلايكت
كلا .. كلايكت

الفراشات الثلاثة :
مش راح نــــعجن

ولا حـنـنـفـت
السرطان الناسك
فـت

السرطان الناسك :
(بفرور مصطنع)

باحلم أعـيش
في محاره على ذوقى
والتكـيف
تحتيه وفوقى
وأفرشها
بحرير وطحالب
وأعمـلها
وطنى وصندوقى
وأركـب
في كالون مستورد
وأحـوط
على كل حقوقى
مش حاشـرب
م البـحر المالح
وحاجـهـز
فلتـرومـراوح
وحـادور
على نهر إمـبارح
أوجـدول

حيـبل في ريقـي
حاشـمـبـط
في عقارب الساعـه
وأزغـرت
صولو وجماعـه
راح أـجر مسكنـي
بالساعـه
وأضـم التماسيح
لفـريقـي

حيضم التماسيح لفريقه

ويأجر مسكنه بالساعه

راح تحرق حلمك من بدرى
وحتـمـرجـع الشـماعـه

أنا حـر
وحقي الدستوري
يسـمـح لى
لو كان مقدورى
أتـخـيل
وأـمـثـل دورى

رنا (فراشة الأميرة الحمراء) :

(بتهكم)

اللون الأصفر :

(بتهكم)

الشمس :

(باسلوب تحذيري)

السرطان الناسك :

(بغرور)

خدي ياللا
بطاقتي وباسبوري
وعديني
من غير ما تشوري
وكتاب الأحلام
يتنطط
من خفة دمي
وحضوري
وجزيرة الأحلام
حتنقطط
والبحر حيرقص على
نوري

(صوت هدير البحر الغاضب المشحون بالتوتر).

رنا (فراشة الأميرة الحمراء) :
البحر حيرقص على نوره
(بنهكم)
الأب :
شوقوا خيبته المعجونه بغروره
(بنهكم)
الفراشة الملكة :
حذرنا وقلنا وكـررنا
(بنهكم)
اللون الأحمر :
خلوه يعدى ونشوف غيره
(بحسم)
الفراشة الطاووس :
بكره حيندم وحيـتـعلم
(بأسلوب تحذيري)

الفراشة المحارة : والحلم يبان من تفسيره
(بحكمة)

السرطان الناسك : أبو جلمبو ومفيش غيره
(بسخريه وغطرسة) بكره حتبقوا عبيد في قصوره
حيفرفشكم وينعنشكم
ويقرقشكم على ضراضيره

(السرطان الناسك ينظر لهم بسخرية ويضرب بكلتا يديه على صدره المغطى بالصدف ويتجه بتثاقل نحو الكواكب، تتجاهله الفراشات واللون الأصفر والأحمر ويتجهون نحو رنا التي تتأمل في كتاب العلم صورة القطرة ذات الناب الذي يبرز من فكها وفي ذات اللحظة تدخل القطرة المسرح).

رنا (فراشة الأميرة الحمراء) : انا شفت مسابقه
للقطه الزرقا
(بدلال)

الفراشة الملكة : بتنونولييه
في كل القنويات
والبرتقانيه

الفراشة الطاووس : بتخافم الميه
والقطه الفارسي
ارستقراط

الفراشة المحارة : قطه بفـرـر
عند الكوافير

الفراشة المحارة :

بتسرح ديلها
بكل نشاط
قطتنا الزيتي
بتخش في بيتي
وبتزعل ليه
م الاختبارات

رنا :

القطة :

(بغضب يمتزج بالحزن)

ما اخدتش جايزه
قلت انا مش عايزه
ما عجبتش ليه
كل البـاهوات
سنتي مش حجه
مش وحشه وعرجا
انا أجـمل
من كل الفتيات

(الفراشة المحارة تحضر جهاز رصد الأحلام).

الشمس :

كلا .. كلاكيت
كلا .. كلاكيب
هاتي جهاز
رصد الأحلام

(الشمس تضع جهاز رصد الأحلام على رأس القطة)

حلم القطه
ودلع البننت

الشمس :
(بدلال)

ننت البننت
وجود برفكت
لما بتـحلم
على براشوت
زي عـرايس
الماريوننت

الأم (زهرة اللؤلؤ) :
(بحرح)

وساعات باضحك
وساعات بابكى
معرفةش بكايا
من ضحكى
سنتى تطلع ليه
من فكى
معرفةش
اقصها بالليزر
ويكماشنتى
أوبمفكى
ونفـونى
م القصر العالى
طردونى

القطبة :
(بحزن يتصاعد تدريجياً)

م الحرس الملكي
 والقط البـرى
 الأمـريكي
 ليه يغمز
 للقط التركي
 ويقـوللى
 يا حـلاوه
 يا حلولى
 لما أفتح بـقك
 بـتـسـسكى
 والقط الروسى
 السيـبـيرى
 ضحكته ليه
 بـتـزود شكى
 حـاتـجن
 على ولف وصاحب
 اتحدت وياه
 فى لاساكى
 واتجـوـز
 من قبل ما عجز
 من قطـمقاوح
 أونـمـكى
 وأخـأف

ميت عالم ذره
وجيولوجى
أو عالم فلكى

الأم (زهرة اللؤلؤ) :
مش حنكىدها
ولا حنفيظها (بتعاطف)

رنا (فراشة الأميرة الحمراء) :
بابا حيرجع
ويجوزها (بتعاطف)

الشمس :
ويصدف البحر
يجهزها
(السرطان الناسك يندفع من السور نحوهم غاضباً).

السرطان الناسك :
صدف البحر
بأيدي خبيته
اللي حياخده
أنا حاخرب بيته

(الأم ورننا والفراشات يدفعون السرطان الناسك بأقصى ما يملكون
من قوة).

اللون الأحمر :
مع خطابها
حنعزها (بتأكيد)

اللون الأصفر : حنْفَلِيْهَا
(بحر) وحنْفَرَزْهَا

الأب : ونقص الناب
(بتاكيد) اللي ضايقتها

رنا (فراشة الاميرة الحمراء) : وسنانها اللولى
(بدلال) نروَقْهَا

الشمس : ونسِرْجْهَا
(بحر ودلال) ونزوقْهَا
بكره حنشْهَق
لما نشوفْهَا

(السرطان الناسك يندفع من السور مرة أخرى بغضب نحوهم
ويخرج من جيبه مشطاً مصنوعاً من الصدف ويلوح به مهدداً).

السرطان الناسك : انا بانذركم
وياحذركم
لوقررتكم
أوفكرتم
في الصدفة المشط
الى في بالكم
راح أنعكش
شعرها قدامكم

(القطعة تتقهقر مذعوره للخلف .. الأم ورنّا والفراشات والألوان
يدفعون السرطان الناسك مرة أخرى نحو السور).

(تأمل رنا فى كتاب العلم صورة البجعة وفى ذات اللحظة تدخل
البجعة المسرح).

رنا (فراشة الأميرة الحمراء) :
يا مهندس
مين عمل العش
البجعة
ما بتتكلمش

(باستغراب)

الشمس :
وعريسها
منقاره منشار
وليــــــــلاتى
بيحلم بالدار

رنا :
يخطبها
بعييدان القش

الشمس :
م الغصن الأخضر
بيــــــــقص
ويــــــــعمل
مسرح للرقص

رنا: ديـكـوراته
ليه ما بتعجبش

الشمس: والبيـجـعـه
ع البحر تبص
وبتـرفـض
دورها في النص

رنا: وعريسها
ليه ما بيّفهمش
(الفراشة المحارة توجه جهاز رصد الأحلام نحو رأس البجعة).

الشمس: كلا .. كلا كلاكيت
كلا .. كلا كلاكيت
هاتى جهاز
رصد الأحلام
(الشمس تضع جهاز رصد الأحلام على رأس البجعة).

رنا (فراشة الأميرة الحمراء): شفت البيـجـعـه
انا ليه وحزنت
وأأزمت
ولسه ما زلت
يـحـصـل إيه
لو انا عزّلت

للبحر الواسع
ونزلت

يُحْصِلُ إِيَّاهُ

الفراشات الثلاثة :

الأب :

أنا عالم بحري ومن مصر
أحلامي جديدة وثورية
تحلم ليهِ العلماء ببر
في كواكب تانيه وشمسيه
أصل الكون إبتدى في البحر
ما نعيش في الدنيا البحرية

الفراشات الثلاثة :

حنعيش في الدنيا البحرية

البيجة :

(بنقة)

أيوه حلمت
إن انا مش حا حلم
والشمس الحمراء
حت تفحم
مع انى بارفرف
وباقدف
واقدر اتخيل
واسططعم
ما باشوفش

السمكه الفضيه
في قرار البحر
أو المـطـعم
أنا بجمعه
وعارفه
إن أنا جدعه
مش حـاـكل
سـحـليه
وودعه
ولا ادوس ع السمكه
الفسفوري
والشـبـس حـتـطـلع
وضـرـوري
حـتـنـور لـيه
ولغيري
ونا حـاـلـم
حلـمـي التـفـاريـحي
وحـاـنـور بـحـري
بـمـصـا بـيـحي
ولا حـدـش يـقـدر
يـتـكـلم
أنا بجمعه
وعارفه إن أنا جدعه

رنا (فراشة الأميرة الحمراء) :
(بتهكم)

يا سلام
سلم
يا سلام
سلم

الفراشة المحارة :
الفراشة الطاووس :

ولانقدر نُصرخ ولا نهمس
والكل حيسخرس ويسلم

اللون الأصفر :
(بتهكم)

قنديل البحر
حيتكلم

اللون الأحمر :
(بتهكم)

بلحات البحر
حتستتهم

الأب :

ولا سمكة حنقوم وتلبط
ولا يقدر درفيل يتنطط

الفراشة الملكة :
(بتهكم)

ونجوم البحر
بتستعلم

رنا (فراشة الأميرة الحمراء) :
(بتهكم)

يا سلام سلم
يا سلام سلم

والأم :
وحصان البحر
بيتشمر
مايحيش حد
بيتأمر
وطاووس البحر
بيتوتر

رنا (فراشة الأميرة الحمراء) :
ويفرد أشواكه
ويحذر (بتحذير)

الأب :
وأسود البحر حتتعفرت
والسمكة التعبان حتزمر

الشمس :
خلوها تعدى على المعبر
على كيفها تصرخ وتعبر (بصيغة الأمر)

(رنا تتأمل صورة البطريق في كتاب العلم، يدخل البطريق المسرح).

رنا (فراشة الأميرة الحمراء) :
الـبطـريق
الأب (بتعاطف وتقدير)

يصوم
سنتين ليله
وسنتين يوم

يرقــــد	الأب :
ع البيضه	(بتعاطف)
وما يقوم	
ولا ينزل	
في البحر	
يعــــوم	
ولا ثانيه	الشمس :
يسيبها لوحديها	(بتعاطف)
بجرابه الجلد	الفراشة الحارة :
يدقّــــها	(بتعاطف)
وبيطــــلح	الشمس :
كتكوت مفلطوم	(بحكمة)
وأدى أمــــه	رنا (فراشة الاميرة الحمراء) :
في حضانه شتويه	(بحكمة)
تشــــرح له	الشمس :
في دروس غذائية	
جفــــرافيا	الفراشات الثلاثة :

وفيزيا وعلوم

(توجه الفراشة المحارة جهاز رصد الأحلام على رأس البطريق -
السرطان الناسك يندفع من السور نحوها ويبعد جهاز رصد الأحلام
عن رأس البطريق ويطوف حول رنا).

السرطان الناسك :
راح أقول فكره للأستاذ
البطريق عقله في أجازة
عيل ريل في البزازة
راح نفرم له السمك الطازة
وجنصر أنشوجه في قزازة

(رنا تنتظر له باشمئزاز .. البطريق يندفع نحوه ويتحرش به ويدفعه
نحو الكواليس .. السرطان الناسك يمشى بتأقل نحو الكواليس
ويبدو محبطاً).

(الفراشة المحارة توجه جهاز رصد الأحلام مره أخرى نحو رأس
البطريق الذى يبدو على وجهه الغيظ).

الفراشة المحارة :
لسه مفيش إشماع ولا حاجة
يظهر إنه قليلط وخواجه
(بتهكم)

الأم (زهرة اللؤلؤ) :
وبيتدحرج زى دجاجة
ويجمد مخه فى تلاجه
(بتهكم)

الشمس :
كلا .. كلا كلاكيت
كلا .. كلا كلاكيت
(بحيرة)

البطريق لو تاه
انا تهت

ليه دائماً
يبص لتحت

اللون الأحمر :

(باستغراب)

وبجناحيه بيتدى
هي النحت

رنا (فراشة الاميرة الحمراء) :

(باستغراب)

ويبيض بيضه
ع الأسفلت

اللون الأصفر :

(بتعجب)

وتكسرها
حصوه بازلت

الشمس :

(بحسرة)

يا أنسـاتي
أو وصيفاتي
أنا مش باستعرض
عضلاتي
لكن باعرف
إيه قدراتي
أحلم أطيـر
إزاي يا خواتي

البطريق :

(يبدو في الأداء عدم ثقة في

النفـس إلا أنه يخفي ذلك

بحكمة مصطنعة)

شوفوا جناحاتي
مراوح الحاتي
أو منفاخ
في إيدين عجلاتي
حامل إيه
مع نسربندر
لما يغريش
في سحاباتي
أو حداية
تشخط تنطر
وتنزلني
من سماواتي
طرت ما طرتش
أو ما حلمتش
انا دلوقت
سعيد في حياتي

البطريق
راح يقشرش تلج
وحيتعشى
في صحن سفنج

لما يسبح التلج

الشمس :
(بتحكم)

رنا :

يَهْج
يَنْزِلُ تَل
وَيَطْلُعُ بَرْج
بِرْضِهِ حَيْحَلَمْ
وَحَيْتَرْج
بِرْضِهِ حَيْحَلَمْ
وَحَيْتَرْج

الفراشات والألوان :

(البطريق والقطاة والبجعة واللون الأحمر والأصفر والألم يتجهون نحو
السور ويحملقون في صور الحيوانات والطيور والحشرات).
(الفراشة المحارة تتجه نحو "رنا (فراشة الأميرة الأميرة الحمراء)"
وتوجه جهاز رصد الأحلام نحو رأسها).

الفراشة المحارة :
قسنا شعاع الفنا وبيتنا
لسه المخ في حاله نشيطه
(بعصيغة تقريرية)

الفراشة الملكة :
نرحل فوراً بلا تأخير
لسه طريقنا طويل وخطير
(بحسم)

الفراشة الطاووس :
وطريقنا عامل زجـزاج
م الصحرا للباب العاج
(بعصيغة تقريرية)

الشمس :
وكتبنا في سيناريو بسيط
حددنا شكل الإخراج
(بعصيغة تقريرية)

(الشمس تضع جهاز رصد الأحلام على رأس "رنا" التي تنزعه
بعصبية)

رنا (فراشة الأميرة الحمراء) : وعملتموا كـمان المزيكا
خريشة المناكير في زجاج (بغضب)
انا آسفه انا حارجع ثاني
أو أخـرج حلمي بمزاج
(السرطان الناسك يندفع من السور نحو رنا ويمسكها من يدها
وينتحي بها جانباً)

السرطان الناسك : أنا لو منك أهرب منهم
ودي أحلامك مش أحلامهم
إنت الملكة غـصين عنهم
وحا علق على راسك التاج

(رنا تشد يدها وتبتعد عن السرطان الناسك الذي يبدو محبطاً
ويتجه نحو الكواكب مرة أخرى..)
- السرطان يقترب ببطء من الشمس وهو يهرش رأسه.. يتفرس
وجهاً ثم يتجه لرنا ويطوف حولها .
- إضاءة صفراء على وجه الشمس.

السرطان الناسك : أنا آسف مش قصدي يا بنتي
(بدهاء وخبت وصوت خفيض)
الكل بيحلم.. وحلمتي
بالبـحر الاحمر.. وزعلتي
وفا باحلم برضه بصدفتي (وحنان مزيف)

والست الوالده.. بالورده
وبعضن فراشتى ويجزيرتى

(يحاول أن يحتضن رنا فتدفعه بغضب)

والبجعة دى جدعه وصريحه
حتساعدك لو قمتى شاورتى
والقطه بناهيا المرجيحة
وعريس باسموكن وجوانتى
والشمس سهته وخبثه
جلمها مايانش لدلوقتى

(البطريق والقطه والفراشة يدفعون السرطان الناسك والشمس
تحمق بقلق نحو رنا)
(الفراشات والبطريق يلتفون حول رنا)

الفراشة المحارة : خدى بالك.. خدى بالك

الفراشة الطاووس : من مكر السرطان الناسك

الفراشة الملكة : ليه دايماً يلعب بخيالك

البطريق : ويسرق منك أحلامك

(السرطان الناسك يطوف حول رنا مره أخرى التى يبدو على وجهها
القلق ويشير نحو الشمس)

السرطان الناسك :

شوفى وش الشمس بيصْفَر
لو راحت وياكى للبحر
الميه بسرعه حتتبخر
والكل حيفطس م الحر
ولا يمكن تغطس أو تحلم
وضرورى حتقرفص ع البر

(الأب يهرول نحو رنا ويحذرها بعد أن يغادر السرطان الناسك
المسرح)

الأب :

الشمس تخضر أشجارك
وتدل فراشه لأزهارك
بشعاعها تعالج وتداوى
وتنور ليلك ونهارك

(الشمس تهرول نحو رنا وترقص حولها)

الشمس :

أنا حره
وعايزه
أتحـرر
من سماواتى
وحاتهور
ومجراتى
الى تحير
وأحـقق

حلم صغير
والعيب
مع رنا
وأَتَصَوِّرُ
فى قِـرَارِ
البحر الاحمر
واحدف
فى البحر
كنوزى
للمرجان
الفيروزى
وأَدْفِى
السمك
الاخضر
واقطف
عناقيد
سحاباتى
وأَـطـر
على سمكاتى
وأعوّض
الى إتبخر

(السرطان الناسك يدخل المسرح ويقترّب من رنا مرة أخرى).

السرطان الناسك :

موجاتها المغناطيسية
في لاسلكى البحر تشوش
والحلم ماهوش بالنيه
والشساطره اللي تفكر

(يحاول أن يشد رنا فتبتعد عنه ويتجه إلى السور مرة أخرى بتناقل)

(موسيقى تعكس قلق الأم على ابنتها رنا ..)

(القطة والبطريق والبعجة والفراشات يغادرون المسرح، تلحق بهم الأم
وتحاول أن تثنى الفراشات عن الرحيل، وتصبح رنا (فراشة الأميرة
الحمراء) وحيدة في المسرح وتحمل في يديها التي جرحتها مخالب
السرطان)

رنا (فراشة الأميرة الحمراء) :

باحلم بالبحر
كتير
اركب مع الموجة
واطير

(حالة من الشجن)

واوصل لجـزيرة الحلم
والموجة التـخـتـروان
بتـدلـعـني بـحنان
يشـبـه لـحـنان الأم
وياقـبـل أـمـي هـنـاك
ورده من غـيـر أشـواك
وبتـضـحـك لي في الحلم
والحلم الأم

قـولـولي
بـضـوافـره
يـفسـرـهـولي
ويـخـريـشـني فـي الحـلم

(تشير إلى صورة السرطان الناسك الذي يقف متريصاً جوار السور)

والحلم الورده
جـرحـني
عـ الشـط
ويـمـرجـعـني
ويا ريتني ما شفت الحلم

"رنا" تتجه لكتاب العلم وتحتضنه وتنام - يظهر السرطان الناسك
من خلف السور ويجثم في مكانه متحفزاً .. موسيقى توجي بالتوتر
تصاحبها مؤثرات صوتية عن الكوارث الطبيعية.

(نهاية المشهد الثاني)

المشهد الثالث

(الشمس تشرق من جديد وتقوم بإيقاظ الألوان السبعة).

فى شـرـوقى
الحلم يـتـحقـق
والبحر الأزرق
بيـزقـزق
والموجـه
بتابس فستان
والبحر الاحمر
بيـصـفـر
للعشب الاخضر
والاصفر
وحصان البحر
الكسـلـان
والسمكة البلطيه
بتشـهـق
ويتشـرب
م البحر
وتشـرق
وتصـحـصـح
كل الألوان

(الشمس تتجه نحورنا) التى تدخل المسرح على شازلونج صغير
ويبدو أنها استيقظت من النوم.

الحلم يحــرّر وينتـور
والعلم يحقّق وينفـسّر
رنا صحيت م الحلم ولكن
بتفكر في البحر الأحمر
(الأم تدخل المسرح وتعطى لرنا دمية لبطريق التي تأخذها بتبرم
وضيق وتضعها جوار أدوات البحر).

رنا :
ماما تصالحي بعروسة قش
وببطريق ليه ما بيحلمش
عايزه أروح للبحر يا أمي
بابا وحشني وما بيرجعش

الشمس :
(بتاكيد)
أرضنا ضاقت ولا وسعتش
اللون الأصفر :
(بتاكيد)
حلمنا علم يعيدي المانش
اللون الأحمر :
(بثقة)
بحرنا يكبر ما بيصفرش
اللون الأزرق :
(بثقة)

الأم :
(بصوت يرتعش من الخوف)
خايفه عليها من سمكة قرش
أو حوت أزرق ما بيرحمش
سمك القرش بيحلم صاحي
ويعوم دايماً ولا بينامش

رنا :
عائزه اروح للبحر يا أمي
بابا وحشني وما بيرجعش (بشوق)

الأم :
خايفه لتاخذى نزلة برد
تلج البحر ما بيفرقش (بخوف)

رنا :
بابا وحشني وما بيرجعش
خايفه عليكي من الأمراض
أو دوده بتلبس في الوش
ممكـن نغلط في الأعراض
ونخاف نسال ولا نعرفش

رنا :
بابا كان قاللى فى التليفون
عمر الشمس أربعه بليون
عارفه اللي بيحصل فى الكون
وحتدلنا عن دوا ما حصلش

الشمس
عنـدنا أدويه م الأعشاب
بتزيد دايماً ولا تنقصش
والبكتريا بتقري كتاب
ع الميكروب اللي بيطفش (بثقة)

الحشرات تمشي على المياه
وترقص تانجو ولا تفرقش
عايزه أعيش في البحر يا أمي
بابا وحشني وما بيرجعش

رنا :
(بإصرار)

عايزه تروحي البحر الأحمر
إديني فرصة اشوف وافكر

الأم :
(بقلق)

بابا وحشني ومش قادري أصبر
لوحنا أجل راح نتأخر

رنا :
(بضيق)

لسه انا بادرس طحلب أحمر
في المحيطات بابا شافه بيكبر
دوا للقلب ودوا للسكر
وغذاء صحي حيرخص أكثر

الأم :
(بنبرة توحى بالأمان)

في المجاعات حيكفي العالم
ولا نحتاجش لحسد يدبر
ولا معونات بشروط بتوتر
لما حنشبع راح نتحسر

الشمس :

لما حنشبع راح نتحسر

رنا :

الألوان الثلاثة :

لما حنش بيع راح نتحسّر

رنا :

بابا يحكي لي ع البحر الأخضر

(تحلق في "خطاب أبيها")

زرع القمح وقصب السكر

(الشمس تخطف كتاب العلم من رنا وتحلق في صفحاته).

الشمس

كبر إزاي في البحر المالح

والألوان الثلاثة :

ملح البحر بياكل السكر

(بدمعة)

(الأم تخطف كتاب العلم بلهفة من الشمس وتعطه لرنا بعد أن تتأمل صفحاته)

الأم :

نقل التلج

(بفرح)

من القطبين

بصاروخ نووي

وطورييد بحر

دخل النهر

في غمضة عين

وزرع شجره

في قلب البحر

رنا :

نهر في بحر

(ترقص حول الأم)

وبحر في نهر

والفـزوره بتتفسر

(رنا تعطي كتاب العلم للأم).

الأم :
(بافتخار)
وعمل شبكه ري في شهر
والنوافير في قرار البحر

(إحدى بنات الشمس تخطف كتاب العلم بلهفة من الأم).

الشمس :
(بدهشة)
ومطار بحري واسانسير
ومعاهد لعلوم البحر
والكهربا من دينامو الشمس
أو من موجه مد وجزر

(الأم تخطف كتاب العلم بلهفة من إحدى بنات الشمس).

الأم :
(بشوق)
نفسى يا بنتى اعيش وياكى
حلم طفولتي بموج البحر
واركب على الموتوسكل وراكي
وارمي مخاوفي في رمل البحر

رنا :
(بفرح)
حتتعديني مطب البحر
وتلاعبيني ببلي البحر
مش راح نفقد سُر حراري
واحنّا بتطلع جبل البحر

(رنا تلقي بلي البحر لأمها على الأرض وللبطريق والقطرة والشمس
والألوان الثلاثة ويلعبون سوياً)

الأم :
(بفرح عارم)
انا مشتاقه لموج مشتاق
نحضنه سوا ونخش سباق
مع قطورات موج الأنفاق
ولا سمندل وحصان بحر

(الأم تحتضن رنا بحنان ثم تغادر المسرح)

(موسيقى توحى بالخطر ومؤثرات صوتية توضح ثورة البحر
وهياجه وتتحرك في شتى الاتجاهات حتى تستقر عند السور
فترى السرطان الناسك والبجعه.. السرطان الناسك يتجه نحو رنا
ويحاصرها في كافة زوايا المسرح ويسرق الصدفة الموضوعة جوار
أدوات البحر بلهفة.. رنا ترتعش من الخوف.. يهجم عليها
السرطان الناسك.. تجهش رنا في البكاء)

السرطان الناسك
(يصطنع الخوف)
توسو نامى
قلتها عرى
وقالها يابانى
صوت الرعد
يسد ودانى
والززال

م البحر الثانى
وغراب طار
على برج حمامى
توسو نامى
توسو نامى
موج يتسحب
زى الأفسمى
هد البيت
والفميط
والمرعى
واسالى بجعه
توشوش ودعه
وديب سحلاوى
جانى فى منامى

(وفى هذه اللحظة تدخل الأم والشمس والألوان الثلاثة والقطعة
والبطريق يرتدون ملابس الغوص -يشكلون جبهة متراسة للدفاع
عن رنا.. تتصاعد ثورة البحر فى الموسيقى التصويرية)

السرطان الناسك
(يعطنح الحرف)
توسو نامى
توسو نامى
وناع البسر
بافك خيامى
شفت جبال

الموج قدامى
مش حتسروح
البحر يا مامى
إقلعى لبس
الغطس ونامى

(تتجح رنا فى هذه اللحظة فى انتزاع الصدفة من السرطان
الناسك الذى يطاردها بإلحاح إلا أن الأم والشمس والألوان الثلاثة
يقفون صفاً واحداً أمامه فيتراجع على الفور)

البجعة : شفت البحر
(بصوت مرتعش) بيعلى ويعلى
ورمل البحر
بيوطى بيوطى

السرطان الناسك
(بصوت يصطنع الخوف) وموج بيكهرب
سمكه وقطه
وتمساح بحرى
يقرقش بطه

الشمس : ياما براكين وزلال عبت
وكواكب بالأرض إصطدمت
ديناصورات فى التلج إنقرضت
وإرادة الإنسان إنتصرت

الفراشات الثلاثة : وإرادة الإنسان إنتصرت

(الأم والشمس والألوان الثلاثة يحاصرون السرطان الناسك
ويقذفونه بالأصداف وبلى البحر... فيتقهقر متخاذلاً إلا أنه لا
يغادر المسرح بل يظل واقفاً يترقب ما يحدث _البيعه تهرب وتغادر
المسرح مذعورة)

(القطعة تبدأ فى خلع بدلة الغطس ورنّا تحاول الحيلولة دون ذلك)

القطعة : توســــــــو نامى
(بخوف وصوت مرتعش) توســــــــو نامى
وتمساح بحرى
يلم عضامى

(الأم والشمس والألوان الثلاثة يلتفون حول القطعة ورنّا ويحاولون
تهديتها)

(موسيقى توحى بالدفء والحنان تمهد لدخول الأب.. القطعة تتوقف
عن خلع لبس الغطس وتشير نحو الأب الذى يدخل المسرح حاملاً
شنطة هاندباچ.. السرطان الناسك يتقهقر للخلف محبطاً ويرقب ما
يحدث.. الشمس تحاصر السرطان الناسك وتمنعه من الحركة.. رنّا
ثم الأم يهرولان نحو الأب الذى يحتضنهما.. الألوان الثلاثة يلتفون
حولهم.. القطعة تحوم حولهم وتتحنس نابها وتقول للأب..

القطعة : شيللى الناب على طول وحياتك
انا مستتيه إختراعاتك

(الأب يعطيها مشرط، ليزر وتخلع نابها بيدها ثم تنظر في المرآة
التي تلتقطها من الحقيبة الهاندباغ وتغمرها حالة من الفرح)

الأب :
بكره العالم يصبح أجمل
بأختراعاتي ونظرياتى
والعلم يَطْور ويعـدـل
فى حياتك دايماً وحياتى

القطة :
(بفرح ونشوة)
إحلويت قـوى قـوى يا بنات
وحاخلف صـبيان وبنات

الأب :
من غير ناب كل السلالات
حانفير فى صفات وچينات
(رنا تتجه نحو أبيها وتحضنه).

رنا :
بابا جه
بابا جه
قبل ما أروح له
بحلمي وأبوح له
شمس الصبحية
بتفتح له
والألوان
تجـري
وتشـرح له

والقطه الحلوه
بتـرتاح له
والبحر يضحك
في عينيه

الأب :

(بحكمة الكبار و فرح الاطفال)

كنت صغير
لما حلمت
بحصان أزرق
لون البحر
لما كبرت أنا
واتعلمت
من استاذي
مـلاذي
البحر
والكائنات البرمائية
إزاي تتنفس في المياه
خـدت الدواء
من عشب البحر
والرئة تنفع
برويـحـر
وعملت السفن
الضوئية
البحرية

والفضائيه
طلعت العالم
تحت البحر
بشرع سيق
الضوء في البحر
وموتوردار
من شمس البحر
شففت كواكب
وشموس ثانيه
ومجرات
دنيا الثانيه
والفضا
زي قرار البحر

وبتوحشني
أكثر م البحر
م المحيطات
ونجوم البحر

شوقي بسيط
وقراره محيط
من غير نقطه
نقطه وزيت

رنا:

(بشوق وفرح)

الأب:

(بنقه وفرح)

شوق بيطهر
رمل البحر
وينيت ليكم
اجمل بيت
م الأصداف
ومعادن البحر
رحت وجيت
يا عرايس البحر

وحنروح تاني
سوا للبحر

رنا :
(بحسبم)

(السرطان الناسك يخدع الشمس ويفلت منها ويندفع نحو القطة
ويدور حولها).

توسسونامي
توسسونامي
شفت جبال
الموج قدامي
إقلمي لبس
الغطس ونامي

السرطان الناسك :

(القطعة تلتقط الناب من الأرض وتشهره في وجه السرطان الناسك
وتجبره على التقهقر للخلف حتى يغادر المسرح إلا أننا نسمع صوته
يكرر الفقرة السابقة مع صوت البحر الغاضب .. القطعة تهرول
نحو رنا ويبدو على وجهها الخوف .. رنا تتجه بسرعة نحو كتاب
العلم وتتصفح بسرعة ويبدو على وجهها الغضب - الأب يتجه
نحو ابنته التي يبدو على وجهها الغضب الممتزج بالخوف).

الأب :
إوعى تخافى يا رنا من صوته
لما بتطلع لك عفاريتيه
عايز البحر الأحمر كله
بجباله وصدفه وسمكاته
واللى يدور كده على ذاته
مين فى العالم بكره يغيتيه

رنا :
(بغضب)
ليه ما كتبتش
عن توسو نامي
وما تكلمتش
في التليفون
حاعر فارد
إزاي دلوقتي
على سرطان
ناسك مـجنون
انا مش رايعه
البحر الأحمر
لما ابقيه افهم

إليه المضمون

التوسونامي
موجه بحريه
بركانيه
وزلزاليه
أمريكانيه
أويابانيه

الأب :

(بهدوء العالم)

مش مصريه
ولا عربيه
شفنا ميولها
العدواني
في محطات رصد
البحريه

الشمس والألوان الثلاثة :

(بتبعية تقريرية)

هيه الموجه
ليها جنسيه
وجواز بحري
أوقومي

الطريق :

(بسذاجة)

إيه يمنعها
مره تفكر

الأم :

(بأسلوب إستفساري وتحذيري)

تضرب بكرة
البحر الأحمر

أو تتسرب
لبحور تانيه

البطريق :

يبقى العلم
ضروري تقدّر
عملت إيه
في الاسكا وغينيا

الشمس :
(بحكمة)

والتوسونامي
لما بتغدر
ولّا تكسّر
مينابحره
ولا نشرة أخبار
بتحذر
ولا وكالات أنباء
عالمية

الأب :
(بحكمة)

ولا مركب فضائيه
تصوّر
ولا إشارات

البطريق :

أقمار صناعية

(القطلة تستمر في خلع بدلة الغطس).

القطلة : برق ورعد

(بخوف رهلع) وتمساح عض

وموج بيهد

الدنيا في ثانيه

واتورطت

انا ليه في الوعد

ومين ينقذني

من السفريه

(تتحرك بذعر في شتى الاتجاهات وترتعش من صوت البحر ثم تستعيد توازنها).

رنا : احنا بنحلم

(بغضب) ويا البحر

مش بنعيش

في كسابوس

ع الششط

(الأم تلتقط الكتاب من رنا).

الأم : حلم القطه

(بحسم يمزج بالغضب) وحلم الينت

مش إعلان

فـُـالـصـو
في مـاـكـيـت

(البطريق يلتقط الكتاب من الأم).

ولا تصـوـير
بـلاـتـو
وكلـاـكـيـت
ولا ارـتـيـسـت
بـتـعـمـلـتـسـت
البطريق :
(بحسب يترج بالفرح)

(الأب يغادر المسرح ويعود بنموذج للسد البحري).

واحـنا بـنـيـنا
السـد البـحـري
ومـحـطـات رـصـد
فـي باراـشـسـوت
الأب :
(بحسب يوحى بالأمان)

(القطة تلتقط نموذج السد البحري من الأب وتتأمل به بعمق).

ونـظـام
لـلـإنـذار الفـوري
وإـرمـجـناه
عـلـى الإنـتـرـنـت
الأم :
(بحسب يوحى بالأمان)

البـحـريـدافـع
عـن نـفـسـه
رنا :
(بحكمة وحسم)

الفراشات والألوان : هو اللي يقـرّر
ويست

(القطة ترتدي بدلة الغطس مره أخرى).

(رنا تتمسح في أبيها مثل ما تفعل القطط).

رنا : ممكن اخذ القطة معايا
(بدلال)

الأب : طبعاً ممكن
(بحرح)

الأم : ونجوزها لقط، حكاية
(بحرح)

الأب : طبعاً ممكن
(بحرح)

الشمس : عالم فيزيا وعالم بحري
(بصيغة تقريرية)

الأب : ليه لأ ممكن

رنا : وحيخطبها بطحلب بحري
(بحرح)

كل ده مـمـكـن	الأب :
والبطريق حيطير في الميه	الأم :
ويركب سفينتنا الضوئية	(يتمني) الشمس :
	(يتمني)
ولما حنقلم الجاذبية	الأب :
	(يتمني)
والموجات المغناطيسية	رنا :
	(يتمني)
ونسبق ضوء الشمس بثانيه	الأم :
	(يتمني)
في الفضاء أو سماوات بحريه	رنا :
	(بفرح)
حتشوفوا دنيا غير الدنيا	الشمس والألوان الثلاثة :
	(بصيغة تقريرية)
حتشوفوا دنيا غير الدنيا	الألوان الثلاثة :

الأب :
بحر بدايه
وبحر نهايه
(بحكمة)

الأم :
ويكره الدنيا
حتبقى سرايه
رنا :
ويابا وماما يعيشوا ويايا
(بفرح عارم)

(رنا والأم والأب والبطريق يغادرون المسرح).

البطريق :
أب وأم
وينت بحلم
(بافتخار)
سبقت حلم البشريه

الشمس :
حلم وعلم
وحضن يضم
(بثقة وحكمة)
حلم وعلم وحرية

القطعة :
هــوالأب
يخلف بنت
(يتساؤل يتضمن إجابة)
ولا الثورة العلمية

الشمس :
أم بتـولد
مليون نجم
(بحكمة وثقة)

ولا تخلصش الذرية

اللون الأصفر : شمس لبر
(بفرح) وشمس لبحر
شمس الكون الفضائية

الشمس : شمس جنين
(بنقة وفرح) طلعت م الطين
زي الورده البحريه

(رنا ببدة الفوص تدخل المسرح وترقص من الفرخ، تدخل الأم ببدة الفوص وتحمل جهازا يشبه جهاز الفيديو وكاميرا فيديو صغيرة، ثم يدخل الأب مرتديا بدلة الغطس مصطحبا البطريق والقطة اللذان يرتديان أيضا نفس الزي. البطريق يعطي صدفة لرنا والقطة تعطيها بلي البحر الملون ألوان شتى، رنا تتהלل من الفرخ وتلعب ببلي البحر مع البطريق والقطة ثم تضع الصدفة على أذنها ويرقص الكل حولها).

رنا : وشوشت البحر
(بدلال وثقة) ووشوشني
والموج الحمر
بيدهشني
جبار جبار
مش حيحوشني

ولا قنفد بحري
حيفة شني
كلمني البحر
وكلمته
وناشفت العالم
في مـرايته
والسمكه التوام
تناغـشني
ورسمني في موجه
ورسمته
وفتح لي كتابه
وحصـالته
وببلي البحر
يفرفـشني

(الأم تشير لـرنا وترىها جهاز الفيديو الملحق به شاشة، وكتالوج تدخل
المسرح الشمس والألوان الثلاثة ورنا تضع بلي البحر جوارها)

البحر العلم البطريق:
الحلم يا هـوه (بفرح)
حبـيت الناس
اللى يحـبـوه

وحا قـولك سر الأم
صحاـبي عـرفـوه (بعـوت خـفيـض)

صمّمت جهاز
فيديو الأحلام

حنبيعه رخيص
للى طلبهوه

القطعة :

٠بفرح)

دلو قسّتى
حندخل الاستوديو
ونسجل أحلامنا
فى فيديو

رنا :

(بثقة وفرح)

والكاميرا تصور
فى البلاطوه

الشمس والألوان الثلاثة :

(بثقة وفرح)

أكسشن....

الألوان الثلاثة :

(بحم)

(الجميع يشرعون بالرحيل للبحر ويرتشفون من زجاجة الدواء)

العلم الحلم الحرية
الوطن البيئة البحرية

الجميع :

ويقاء النوع الأنسانى
مشروط بالطفره العلميه

رنا :

القطعة :
حنعيش مع بعض ونتفاهم
كائنات بحريه وبريه

الشمس :
والكون بيساع البني آدم
وطيور مفترسه ويكتيريا

الأب :
بالإذن
حنسكن وياكم
وحنعمل
فيالات خرافيه

البطريق :
وحصان البحر يفرقها
بنظام القرعه العلنيه

الأم :
حنغير دستور العالم
وحنحمي البيئه البحريه

رنا :
العلم .. الحلم .. الحريه
الوطن .. البيئه البحريه

(النهاية)

A black and white photograph of a baby's foot, positioned centrally. A large black rectangular box is superimposed over the foot. Inside this box, the title 'أرنب وعقرب' is written in large, white, stylized Arabic calligraphy. Below the title, in a smaller font, is the subtitle 'أوبريت للأطفال'. In the bottom left corner of the overall image, the author's name 'نبيل خليف' is written in a cursive script. The background of the photograph shows a textured surface, possibly a wall, with some faint, out-of-focus shapes.

أرنب وعقرب

أوبريت للأطفال

نبيل خليف

أرنب وعقرب وفيل

«أوبريت للأطفال»

المشهد الأول

نسمع دقات جرس المدرسة بدلاً من دقات المسرح التقليديه تختلط بهرج ومرج الأطفال .. تفتح الستاره نرى فى يسار المسرح جرس المدرسة وجواره صارى العلم ، فى يمين المسرح خشبه لرمى كرة القدم شباكها متهرئه .. بنتان قزمتان وقتاه بدينه فى عمق المسرح يرتدين زى الشجرات ويقفن بثبات ويعلقن على رقابهن سلال او أكياس تحتوى على بعض الأقنعه..قاعدة خشبيه معلقه على الحائط بها دائره لكرة السله.. الأطفال يخرجون من مختلف الكواليس وهم فى حاله عارمه من المرح .. بعضهم يحمل السندوتشات والفاكهه والبعض الآخر يحمل (زمزميات) وعلب العصير ويراعى أن يكون الأطفال من الإناث والذكور ومن اعمار مختلفه (فى المرحله الابتدائيه والإعداديه) رنا وعمرها ١١ سنه 'امير وعمره ١٢ سنه يتجهون نحو الشجرات الثلاثه ويسقونهم من زمزمياتهم والبعض الآخر يتجه نحو مرمى كرة القدم أحدهم يقذف الكره فى المرمى فتتمزق الشباك فينفجرون فى الضحك .. الجميع يرقصون ويفنون .

الأطفال :

هילה هوب هيله هوب هيله هوب
اللعب .. اللعب .. اللعب
جرس الفسحه بيضرب
نفرح .. نرقص .. نلعب

رنا :

فى اللعب خيالى وسيع
مين قال اللعب دا كذب

أمير :
(مصر إصبعد ثم يقتل الأب
الصارم)
طفل (١) :

في اللعب انا طفل رضيع
في اللعب انا ام واب
في اللعب انا عالم أثيرى
باركب حنطور أو جيب

أمير :
(مخرج)
ونابانمى العنف الأسرى
واللوم ومشاهد الرعب

طفل (٢) :

وابويا اللى يبرقتلى
لما لعب وأتدرب

أمير :

وأمى بتركب على عقلى
وتغنى جداول الضرب

شجره (٣) :

كان عمرى يا دوب أسبوع
بافرد جدرى وياشب
وبيرعبنى اليسروع
والنمله والعقرب

رنا :

كلمة لآه وممنوع
والبرق اللى يكهرب

بتمص فروعها تجوع
وتعيّط وتدبذب

شجرة (٣) :
رنا أختي ونفس النوع
بتحس ويتقرب
تسقينى من الينبوع
بافرح وارقص والعب

رنا :
نرقص كدهو .. كدهو
نعصر مطره ونحلب

شجرة قزمه (١) :
وسحاب ينزل هناهو
نشرب حليه وسحلب

شجرة قزمه (١) :
وأمير دخل البلاتوه
بيفكر ويحسب
مع مين يا أمير سألوه
قال ويا اللى بيغلب

شجرة (٣) :
قلت له يا أمير إسقينى
وماكنتش عايزه أشرب
لمح الريح الخماسينى
جرى منى وإتهرب

(أمير ينظر لرنا والشجرات بغضب، وينتزع من سلة إحدى الشجرات
قناعاً لفارس ويرتديه بعصبية)

أمير :
(بزهو)
انا فارس م الفرسان
انا دائماً قائد السرب
انا أشجع من طرزان
وسوبرمان المرعب

رنا :
(بسخرية)
وهولاكو وجنكيز خان
بتدق طبول الحرب
وتقطع في الأغصان
يتربع الدب الشاب
(أمير يحدق نحو رنا بغضب)

أمير :
(بغضب)
تحاربنى شجرة زان
ببذور خطاطيف أو هلب
باضريها بالخرزان
وسيوف أقوى من الصلب

(الأطفال يمسكون بعدسات مكبره ويحملون في الأرض)

رنا :
(بإستياء)
غلطان يا أمير غلطان
وانت يا صاحبي بتكذب

أمير :
على صدرى الف نيشان
م المشرق والمغرب

(أمير يتحسس بعض النياشين المزيفة التى وضعها على صدره)

رنا :
بتخاف ليه م الغزلان
والقطه والأرنجب
والضلمه والدخان
والشمس اللى بتغرب

أمير :
انا عمرى ما كنت جبان
ولا باجرى ولا باهرب
(بغضب عارم)

رنا :
غلطان يا أمير غلطان
وانت يا صاحبى بتكذب

أمير :
انا آسف مش حاتهان
حاخرج بره الملعب
(بحزن)

(رنا تحاول ان تلحق بأمير فيدفعها بيديه .. تنظر نحوه بحسره)

رنا :
إرجع يا أمير امال
ولا تطللى وتغضب
نتعاتب ع اللى اتقال
قرب مره وجرب

(يدخل مدرس من إحدى الكواليس ويجرى طفل نحوه ويهمس في أذنه)

رنا : سنجاب يبيوح بالسر
(نهمس) وشوش مستر عقرب

(شجرة قزمه (١) تهزول نحو المدرس وتعطه قناعاً لعقرب فيمد أصابعه مثل انياب العقرب)

شجرة قزمه (١) : مستر عقرب وطواط
في العتمة بيتسحب

مستر عقرب : حاقطع شجرة مطاط
(بنيط) وامسح بيها الملعب

(مستر عقرب يحضر مساحه يديه ويمسح أرض الملعب ويحملق نحو مدرسة تدخل من إحدى الكواليس تتلفت يمنه ويسره وتتحرك مثل الزرافه وتقذف نحو الأطفال مضرب تنس الطاولة والكرات التي تخرجها من جيبها .. شجرة (٢) تعطها قناع الزرافه فترتديه وتستمر في رقصتها)

شجرة قزمه (٢) : وزرافه أرسقراط
(بخوف مصطنع) تحدفكم بالمضرب

مسز زرافه : يلعب ويانا سقراط
وأرسطو بيستعجب

طفل (١) يرتدى نظاره ويحملق بدهشه نحو طفل (٢) الذى يضرب
الكره بالمضرب .. الناظر يدخل من إحدى الكواليس ويبدو
صارماً ومتجهماً .. يحدق نحوهم بغضب .. ثم يهرول نحو جرس
المدرسه ويدقه بعصبية .. شجره قزمه (١) تهرع نحوه وتعطه قناعاً
لغراب فيرتديه ويقلد مشية الغراب)

رنا : والناظر ليه زعلان
جرس الحصة بيضرب (يهيس)

مسز زرافه : اسمه غراب الغضبان
نفسه فى دور الأرنب (تهيس)

شجره (٣) : والعقرب ع السوليفان
بيخطط ويرتب

(الأطفال يكفون عن الرقص والغناء ويتجه بعضهم إلى الفصول من
كواليس مختلفه .. يدخل نجار يحمل منشاراً يضعه فى جراب جلد
ويخفيه خلف ظهره .. إحدى الشجرات تهرع نحوه وتعطه قناع الفيل
يلقى به على الأرض ثم يلوح بالمنشار مثلما يلوح الفارس بالسيف ..
ثم يتجه نحو الناظر ترتجف الشجرات من الرعب ويقفن خلف
"رنا" التى يبدو على ملامحها الشعور بالخطر)

رنا : منشار .. منشار .. منشار
انا خايقه على الأشجار (بهلع)
م الناظر والنجار

شجره (٣) : يقطع .. يقطع .. يقطع
(تكررهما الشجرات الثلاثه)
(بهلع)

(الناظر يصطحب النجار ويتجهان نحو الشجرات.. يتبعه الأطفال
بعض الأطفال ويراقبونه ثم يسبقونه ويصبحون أمامه مباشرة يقف
فجأه ويشير للمدرسه التى قامت بدور الزرافه والمدرس الذى قام
بدور العقرب .. مستر عقرب يلتقط عود شجره من الأرض ويهدد
الأطفال به كى يفسحوا الطريق)

مستر عقرب : وسّع .. وسّع .. وسّع
إرجع فضلك وإطالع

(مسز زرافه تنتزع عود الشجره من مستر عقرب)

مسز زرافه : الدرس إبتدى من بدرى
(بحسم) ولا حدش راح يرجع

شجره (٣) : راح يفهموا كلمه إزاي
والشجره بتتقطع

الشجرات الثلاثة : والشجره بتقطع
(بهلع)

الناظر : مجلس تأديب يا زرافه
(بغضب) والخصم من المنبع
واللى بيعرف مصلحته
ينفع او يستنفع

(الأطفال يلتفون حول مسز زرافه .. الناظر والنجار يقتريان من
الشجرات .. النجار يخرج المنشار من جرابه ويطوِّح به فى الهواء)

النجار : منشارى سنانه بتلمع
(بمنعه) حاقطع شجرات وأستنفع
و الأرض لما تفرَّقع
م الفرحة عنيه تدمِّع

(الأطفال يهرعون نحو الشجرات ويسبقون الناظر والنجار ويقفون
صفاً واحداً امام الشجرات تتقدمهم رنا)

رنا : نجار مكار شرير
(بغضب) فى عنيه الشر فى بير
والسم فى غسل الزير
ورقاب اشجار بتطير

شجره (٣) :

يفرمها فى المصنع

(تكررهما الشجرات الثلاثه)

(بهلع)

(مستر عقرب يختطف عود الشجر مره اخرى من مسز زرافه
ويهزول نحو الأطفال كى يبعدهم عن الناظر والزرافه تلاحقه ثم
تقف مع الأطفال فى مواجه الناظر والتجار ومستر عقرب)

مستر عقرب :

وسع .. وسع .. وسع

ارجع فصلك واطلع

(بنظرسه)

مسز زرافه :

الدرس إبتدى من بدرى

ولا حدش راح يرجع

(بحزم)

شجره (٣) :

يقطع .. يقطع .. يقطع

يدبعنا ويستمتع

(تكررهما الشجرات الثلاثه)

(بهلع)

(التجار يضع المنشار فى جرابه ويتقدم نحو رنا بغضب)

التجار :

يتقولى ايه لا مؤاخذه

نجار مكار شرير

(بغضب)

انا اسطى قديم يا تلامذه

انا معبود الجماهير

بيلفوا صوابعى الخمسه
فى حرير لوكس وتصدير
وياصنّدر رجل الكيكى
وسرير من غير مسامير
لإين الغرب الأمريكى
سيناتور وسفير ووزير

(الأطفال يرقصون حول النجار ويغنون)

رنا : الأسطى جاى مسلح
فارد جناحاته وديله
ولا يقطع شجره ويفرج
مهما يسن فى أزميله

مسز زرافه : والعقرب ليه يتطوّح
يرقص له ويغنيله

رنا : ياخذ العده ويروّح
يمسح عرقه بهناديله

(التجار ينزوى فى أحد الأركان ويحملك نحوهم بغيظ ..مدرس يدخل المسرح ممسكاً بكتاب العلوم أو احد الموسوعات العلميه ولوحه عن خلايا الشجره أو عملية التمثيل الضوئى يعلقها على الحائط .. تهرول شجره قزمه (١) نحو وتعطه قناع الطائر القيثارى وذيلاً يشبه القيثاره لونه فضى .. يرتدى القناع .. وتساعده الشجره القزمه فى إرتداء الذيل الفضى الذى يرتعش كالمروحه عمودياً فوق رأسه .. تعود الشجره القزمه لمكانها مره أخرى والمدرس يتجه نحو الأطفال الذين يحمون الشجرات ويشير نحو رنا) .

رنا :
عالم فى خلايا الشجره
(تشير نحو اللوحه)
وصفاتها الفيزيائيه

(المدرس يشير نحو مسز زرافه)

مسز زرافه :
صبار فى الصحرا الكبرى
والبردى الفرعونيّه

رنا :
شجره فى غابات سيبيريا
وصنوبر فى الشماليه

شجره قزمه (١) :
شجرات عملاقه وقزمه
مصريه أو يابانيه

مسز زرافه :
الذره بتصبح بذره
(بفرح) أو زهره ارجوانيه

شجره قزمه (٢) :
وخليه بتسقى الزهره
وخبيره كيميائيه

شجره (٣) :
وخليه بتطرد حشره
بمضاداتها الحيويه

مسز زرافه :
تعمل ويا البكتيريا
وحده إسعاف نباتيه
تشفيها من اللوكيميا
والأمراض الوراثيه

رنا :
شجره إتخلقت قبله
خدت الخبره الكونيه
عايزه ترفرف حواليه
زى البطه البريه

(المدرس الذى يصبح طائراً قيثارياً يتجه نحو النجار وينتزع منه
المنشار ويعطه لرنا)

الطائر القيثارى :
يا دجاج .. يا دجاج .. يا دجاج
(بنهكم) نجار م الشانزليزيه

مسز زرافه :
يعمل فى قصور وبراچ
(بتهكم)
وملاعب الكروكيه

رنا :
سكته عوجه وزجراج
(بتهكم)
زى الفرزه البليسيه

شجره قزمه (١) :
يقطع أشجار بمزاج
ويلمع فى الباركيه

الطائر القيثارى :
مجنون ومالهوش علاج
(بتهكم)
مطلوب القبض عليه

شجره قزمه (٢) :
نحبسه وبدون إفراج
يمكن رينا يشفيه

شجره (٣) :
النحل افواج افواج
(بغضب)
على راسه وعلى رجليه

(النجار يتحسس جسده بذعر)

رنا :
حرس النمل النساج
(بغضب)
حيلف حبال فى ايديه
والناظر ليه يا دجاج
بيساعده ويحميه

(الشجرات يوثقون يدى النجار ويبدو على وجهه الرعب)

مسز زرافه :
يدهن وشه بسببداج
بلحافه بيغطيـه
(بتهكم)

الطائر القيثارى :
مع إنه مش محتاج
ومعاشه حيكفيه
(بدمشه)

(الناظر يكفهر وجهه من الغضب وينتزع المنشار من "رنا" ويعطه
للعنار بعد أن يفك قيوده ويحاول ان يبعد الأطفال عن الشجرات)

الناظر :
اقطع واقطع واقطع
وارجع فصلك واطلع
(يشير نحو اللوحه)

(النجار يلوح بالمنشار أمام الشجرات فتتقهقر للخلف .. تدفعه
الأطفال وينتزعون منه المنشار مره اخرى .. النجار يلتفت نحو
الناظر بغضب)

النجار :
انا حارجع تانى للورشه
اللى بيحصل دا كتير
اخلاق تلاميذك وحشه
ونا مش حا قبل تفسير

(النجار يهم بمغادرة المسرح .. مستر عقرب يلحق به ويصطحبه
للمسرح مره أخرى)

مستر عقرب :

زق فى عجلك وأتومبيلك
بعد ما تفرج إحنا نجيلك
لقمة عيشك مش فى الورشه
رينا يرزقنا ونديلك
إفتح مخك او مناديلك
عند العقرب زيت فتاديلك
(النجار يغادر المسرح .. مستر عقرب ينتحى بالناظر جانباً حيث

يبدو حزيناً)

الناظر :

(بحزن)

نفسى اعمل ملعب جولف
فسقيه تلف .. تلف
او صالة بلياردو
شجرات تشغى بحشرات
والنمل على الشرفات
مين فيكم حيصده
انا باحلم بالتعيين
لما أوصل للمستين
أيامى بيتعدوا
واتصور فى الجرائين
بالبدله بالنياشين
ويشاوروا مين قده
وبحفلات التكريم
ويا وزير التعليم
احلامى بيتهدوا

(مستر عقرب يربت على كتف الناظر ويهمس فى أذنيه)

مستر عقرب : هاود .. هاود .. هاود
(يهمى) حاول تبدو محايد

وشوش ماتزمرش
اسنانك لبنيه
احلامك قطنيه
ويتقصر وتكش
فين حلم العالميه
بهدارس كونييه
للناظر ميت وش
وش الأرنب ماله
يبدو بسيط وف حاله
ولا يعرفش يغش

(الناظر يخلع قناع الغراب ويلقى به نحو الأطفال .. يلتقطونه
ويضعونه فى إحدى سلات الأشجار .. الناظر يهرول نحو الشجرات
ويفتش فى سلالهم عن قناع الأرنب فلا يجد إلا أقتعه الغريبان
فيلقى بها فى الهواء بعصبيه)

الناظر : ليه دايماً بابقى غراب
(بغضب) أنا حاخد دور الأرنب
حاعمل جدول ألعاب
واحد مين راح يلعب

رنا :
(بحسب)
دستور اللعبة نهائى
ومفیش طلب إستثنائى
حتى لو كان للناظر
وتلامذة إبتدائى

(الناظر يهرول نحو مستر عقرب مستجداً)

مسز زرافه :
لصحابى او لاخواتى
ولواحد من اعدائى

الطائر القيثارى :
مع انى باكره اشوفك
فى صباحى او ف مساءى

الناظر :
(بغضب يستحيل إلى خجل)
لما أغضب بابقى عدائى
واتهور على أبنائى
نفسى العب دور الأرنب
واللى بيمنعنى حيائى

شجره (٣) :
(تكررهما الشجرات الثلاثه)
دستور اللعبة نهائى
ومفیش طلب إستثنائى

مستر عقرب :
(بحسب)
مدرسته حيلعب فيها
كواكبها أوأراضيها

وحيلبس وش الأرنب
ويكيفه جيعديها

(مستر عقرب يخرج من المسرح مسرعاً ثم يعود بعد لحظات
ممسكاً بقناع الأرنب .. يعطه للناظر فيرتديه يرقص من الفرح
ويقلد قفزات الأرنب)

الناظر : انا أرنب طيب جداً
(بإستكانه) وبإخاف م الديب والتعب
وبإحب الأطفال جداً
وخصوصاً لما يتلعب

(رنا ومسز زرافه يلتقطان قناعين لغرابين من الأرض ويلوحان بهما
فى وجه الناظر)

رنا : يا غراب البين يا كئيب
(بغضب) كل الأشجار بتهشك

مسز زرافه : على شجرة تين او طيب
(بغضب) مش ممكن تعمل عشك

(مستر عقرب يقترب من رنا والأطفال ويشبك يديه ويصطنع الطيبه)

مستر عقرب : أطفاله يا دوب زمايلكم
(بإستكانه) وأرانب فى منازلكم
ومدارس إبتدائيه

الناظر :
(بإستكانه)
انا مش حاقطع أشجاركم
ومصيرى هو مصيركم
فى الغابه لاستوائيه

مستر عقرب :
(بخيث)
يعمل غابه فى مدارسكو
تمويله من اليونسكو
والجماعات الخيريه

الناظر :
(بخيث)
احلامى لا نهائيه
حاعمل فى الكون محميه
للأشجار البدائيه

رنا :
(بغضب)
حتقطع فى الأشجار
واكيد يا غراب حتخون
والعين ماتشوفش خضار
إلا فى فيلم الكرتون

مسز زرافه :
(بغضب)
لا براعم ولا أزهار
والكون زى الكراكون

الطائر القيثارى :
(بغضب)
من غير شجر الدردار
والحنه والينسون

رنا : والطير لا وطن ولا دار
(بغضب) غير اسلاك التليفون
تتنفس ليل ونهار
ثاني أكسيد الكريون

(الناظر يعتريه الإحباط وينزوى بعيداً في أحد أركان المسرح ..
يهرول نحوه العقرب ويريت على كتفه .. يدخل التجار المسرح متسللاً
حاملًا المنشار ومرتدياً قناع الأرنب ومصطحباً طفلين يرتديان أيضاً
قناع الأرنب وينسلون بهدوء وحذر ويراقبون الموقف من بعيد)

النجار : يا أرانب يا أرانب
(بهمس) العقرب بيحارب
ويدير في مقالب
للحاضر والغايب

أرنب (١) : يا منازل .. يا منازل
(بهمس) الطالع بقه نازل

أرنب (٢) : يا مراكب .. يا مراكب
(بهمس) الراكب .. مش راكب

النجار : والناظر في الغالب
(بهمس) راح يفرق بالقارب

(مستر عقرب يرى النجار والطفلين فيهرول نحوهم الطفلان
يبتعدان عن مستر عقرب وينظران نحوه بإشمئزاز .. مستر عقرب
ينتحي بالنجار جانباً)

النجار :
مستر عقرب .. مش حنحارب
لو رقصت العين والحاجب
انا نجار اويمه ومكاتب
مش شغال عندك باشكاتب
مش ملعبنا ونا مش لاعب
خد اجرتنا وشوف لك صاحب

(النجار يهم بالإنصراف فيستوقفه مستر عقرب ويعطه مبلغاً من
المال . يصره في منديل ويضعه في جيبه ويصرف النظر عن الرحيل)

مستر عقرب :
(بهيئ)
يا سطلى إستنى ما تستعجلش
إحنا يا دوب فى بداية الماتش
بين الخُرس وبين الطُرش
ناظر ساذج مايفهمش
وعيال طايشه عضمها قش
مستر عقرب بكره حيفلب
وانت حتعمل كرسى العرش

أرنب (١) :
(يهمى)
معقوله بابا ماييعرفش
ليه للعقرب مليون وش

أرنب (٢) : بابا ييشقى عشان القرش
(بهمى) واحنا حنلعب ولا نسألش

(الطفل الأرنب "١" يخلع قناع الأرنب ويلقى به فى وجه مستر عقرب
، الطفل الأرنب "٢" يخلع قناعه ويلقى به فى وجه الناظر .. التجار
الأب ينظر نحوهم بحزن ثم يطأ رأسه خجلاً .. إحدى الشجرات
تلوح للطفلين بقناعى فيل يهرولان نحوها ويرتديان القناعين
وينضممان للأطفال .. الناظر يشير لمستر عقرب بغضب) .

الناظر : إنده للتجار
(بغضب) يقطع فى الأشجار

الأطفال أشرار
وكفاية إستهتار

اطردهم
شردهم

م الباب والأسوار
حنغير دستورهم

بلا سابق إنذار
وحنلعب من غيرهم

فى غابات الأمطار

(مستر عقرب يهرول نحو جرس المدرسه ويدقه دقات متتاليه ثم يخرج
من جيبه كيساً يحتوى على بودره زرقاء .. يلقي به فى الهواء فتنتشر
فى المسرح أبخره زرقاء ونرى الجميع يرحلون فى الظلال الزرقاء)
{نهاية المشهد الأول}

المشهد الثاني

أبخره زرقاء تنتشر في المسرح من حين لآخر .. اغصان شجر وعيدان متكسره وتنف صغيره من بعض وريقات الشجر وريش طيور وقطع من بعض جذوع الشجر ملقاه بإهمال على الأرض .. قشر بيض يحتوى بعضه على أقدام أو دروع أو أشلاء سلاحف من الدمى كما نرى على أرض المسرح بوضوح بصمات ضخمه يبدو انها لأقدام أفيال عبرت حديثاً هذا المكان .. شجيرات متشابكه وبعض فروع وألياف الشجر تتدلى على جرس المدرسه وصارى العلم وخشبة مرمى كرة القدم ومرمى كرة السله بحيث لا نرى إلا جزءاً صغيراً من هذه المعالم تدخل رنا المسرح وتأمل المكان بدهشه .. يدخل المسرح قزم وقزمه يحملان حقيبتين ويبدو انهما يمارسان مهنة التدريس .. يتأملان المكان بدهشه .. ونلاحظ ان المدرسه القزمه هي ذاتها التى قامت بدور شجرة (١) فى المشهد الأول والمدرس القزم هو الذى قام بدور الشجره (٢) الناظر ومستر عقرب يدخلان المسرح وينزويان فى احد الأركان بحيث لا يراهما القزمان .. رنا تدخل المسرح تنظر نحو الناظر ومستر عقرب برييه وتقترب من القزمين .

المدرسه القزمه : إحنا فى غابة
ولا خرابه
ولا ف مدرسة البستان

المدرس القزم : ماشفتش يافطه على البوابه
إحنا غلطنا فى العنوان

المدرسه القزمه : انا مش شايفه غير أغصان
(بإتزعاج) بصمات فيل او ريش غويان

(رنا تقترب من جرس المدرسه وتتأمل العيدان التى تغطيها)
رنا : عش يمام على جرس الحصه
وجدائل الياف وعيدان

(المدرسه القزمه تتأمل شبكة مرمى كرة القدم التى تغطيها
الأعشاب)

المدرسه القزمه : ع الشبكه اعشاب وطحالب
وجيوش نمل وسرب ديدان

رنا : زحلفة ماتت جوه البيضه
(بحزن) بيدوس فوقها فيل غضبان

(رنا تلتقط قشره بيضه تحتوى على أشلاء سلحفاه "دميه")

المدرسه القزمه : ولا رجعت نهر المزرجان
(بحزن) ولا شافت اول فيضان

رنا : ولا قالت ماما ولا بابا
(بحزن) ولا لبست توكه وفتان

المدرس القزم : إنا فى غابه

(بحزن) ولا خرابه

ولا فى مدرسة البستان

(مستر عقرب يشير إلى القزمين وينفجر فى الضحك.. والناظر أيضاً
تتنابه حالة من الضحك الهستيرى.. يتجه نحوهما القزمان ويبدو
على وجهيهما الغضب.. تتبعهما رنا ويبدو على وجهها الإستياء)

المدرس القزم : إنت الناظر

(بغضب)

الناظر : لأ مش ناظر

(بحزم) انا حاكم غابة الأمطار

(المدرسه القزمه تقترب من مسر عقرب وتحملق نحوه بدهشه .. رنا
تهرع نحو الناظر ومستر عقرب وتتنظر نحوهما بتحد)

رنا : لو غيرت ديكور ومناظر

أو بدلت الإكسسوار

مهما حتعمل إنت الناظر

وغراب يحجل ع الأشجار

المدرسه القزمه : مستر عقرب

(بحيره) مانتش فاكسر

حكايتنا ويا النجار

مستر عقرب :
لأ مش فاكر
ودا مش ناظر
(بغطرسه)
ومفيش بينا اى حوار

(الناظر يقترب من المدرسه القزمه ويحملك فى وجهها ثم يلتفت نحو
رنا ويرنو نحوها بغيط ونلاحظ أنه يحجل على قدميه مثل الغراب)

الناظر :
لأه انا فاكر
إنتى الشجره
(بغضب)
ليه غيرتم فى الأدوار
فين دستوركم
او إصراركم
حافضحكوا بطيله ومزمار
أرنب .. أرنب
غصين عنكم
من حق الناظر يختار

رنا :
يا غراب نوحى
خش سطوحى
مش جنساومك
ولا حنغشك
ارجع حوشك
ويا جيوشك

قصقص ريشك
وافرش نعشك

(الناظر يبدو على وجهه الكدر ويسرع نحو مستر عقرب .. المدرس
القرم يقف فى مواجهتها)

المدرس القرم : إنت الناظر
(بغضب)

الناظر : لأ مش ناظر
(بحسم)
انا حاكم غابة الأمطار

المدرسه القرمه : انا مش شجره
(بانزعاج)
واسمى باباط
وأبويا عبد الله الباز
ويادرس عربى لاعدادى
ويافسر معنى الألفاظ

المدرس القرم : ونا جوزها
(بافتخار)
ابنوس تمرز
ومدرب عقله وجمباز
ونا متعين من شهرين
وقرارى ختمه الأستاذ

(يخرج من حقيقته قرار التعيين ويعطه للناظر.. الناظر يعطى القرار
لمستر عقرب ويضحكان بسخريه..مستر عقرب يمزق الخطاب
ويلقى به على الأرض..أبنوس وياباط يجمعان بحرص القطع
الورقيه المتناثره على الأرض تساعدهم رنا فى جمع قصاصات
الورق .. يدخل أمير فى تلك اللحظه وينظر نحو رنا بغيظ .. تلمحه
رنا فتسرع نحوه الا أنها تتجمد فى مكانها حين يشير لها بيديه ثم
يتجه نحو الناظر ومستر عقرب)

الناظر :
(بتهكم)
القزمه بتعمل مش فاهمه
بأيديها بتغزل فى الأزمه
وتعقّد كل الألفاظ

أمير :
(بتهكم)
ويتدى فى دروس خصوصيه
ع السلم او ع الطلييه
ويتلبس حلقان الماظ

مستر عقرب :
(بتهكم)
ومدرب عضلاته مطااط
يخرطها عند الخرامط
يتصور فيديو وتلفاز

الناظر :
يا قصير ويا إيد الهون
ما تطولش حتى التليفون
ولا صورتك جوه البرواز

أمير : احسن لك تعمل جرسون
(بنهكم) ومراتك تغسل فى صحون
وتعمر بواجير الجاز
(أبنوس وباباط يعتريهما الغضب العارم رنا تنتظر نحو أمير بدهشه
تمتزع بالإستكار .. تقترب منه وتتحنى به جانباً)

رنا : مش معقول
كده يا أمير تتغر وتضعف

أمير : انا متأسف
(بحسم) انا عملى وعلى حسب الموقف

رنا : إنت بتعند أو بتكابر
مش معقول إختارت الناظر
وإحنا صحابك مهما عملت

أمير : الأقسام لازم تتاخر
(بحسم) والأقوى بيكسب فى الآخر
ونا باطلع مش بانزل تحت

أبوس : (بغضب)	أيوه أنا قزم وحافضل قزم نفسى أعيش وأموت ونا قزم أيوه قصير وانت طويل رجلى تخينه وقد الفيل وامشى اتدحرج ع الأسفلت
------------------	--

(أبوس يلتقط كره يجدها جوار مرمى كرة القدم ويقذفها فى دائرة
السله فتسقط بعض أوراق الشجر)

الناظر : (بتهم)	قزم زغنطط ليه يستعبط او يتشعبط على باراشوت
--------------------	---

مستر عقرب : (بتهم)	انا باستغرب شبر يدرب ع العقله بيلعب وينط
-----------------------	---

أبنوس :
(بغضب)
انا متميز
مش منبوذ
مش بلياتشو
وفرقع لوز
مش اراجوز
مارى انطوانيت

باباظ :
(بغضب)
تفرق إيه
مقاسات الشوز
والجمجمه
او عرض البوز
حقله ببده
او بتى شيرت

الناظر :
(بتهكم)
مسمار بورمه
اتجوز قورمه
ويخلف منشار أركيت

أمير :
(بتهكم)
إشتري مله
وكسر القله
وخطبها بمفكه التست

رنا :
(بغضب)
ليه تعايرهم
أو تتحاز
يفرق إيه
طول البوتاجاز
والشماعه
والتوالييت

باباظ :
(بغضب)
يفرق إيه
عرض الأكتاف
الدراعين
سمك الأرداف
شفت العالم
فوق أو تحت

الناظر :
(بتهمك)
تطول بوصه
تبقى عروسه
تعمل عمليه فى بودابست
(مستر عقرب والناظر وأمير يطوفون حول أبنوس وباباظ)

مستر عقرب :
(بتهمك)
جوزها حيزعل
لما حتطول
يشكيها فى واشنطون پوست

باباظ :
 (بغضب حاد)
 انا مش حاعمل
 عمليات
 شنيور يدوي
 ومفكات
 والدكتور
 في عضامي يمط

(أبنوس يقترب من مستر عقرب ويحاول ان يلكمه .. مستر عقرب
 يتقهقر للخلف)

أبنوس :
 (بغضب عارم)
 تسخر مني
 ليه يا غلام
 ليه تحاصرني
 بالأفنام
 أو تعاملني
 بقيد أو شرط
 زى ما اكون
 متصاب بجزام
 أو بخلايا
 من الأورام
 ومريض إيدز
 يعض في قطن
 أيوه انا قزم
 من الأقزام

واتحررت
من الأوهام
انا إنسان
زيك بالطبط

{ يظلم المشهد تدريجياً وينتهى المشهد الثانى }

المشهد الثالث

(تدخل المسرح (أنثى فرس النهر) والتي أدت دور شجره (٢) فى
 المشهد الأول ويتبعها طفلتان صغيرتان يبدو أنهما إبنتيها وهما من
 الإطفال اللذين شاركوا فى إستعراض اللعب فى المشهد الأول ..
 يفتشون بهلع فى كافة أرجاء المسرح على أوراق الشجر او الأعشاب
 فلا يجدون إلا بعض الأغصان والعيدان المتكسره وريش الطيور
 وبتف صغيره من بعض وريقات الشجر .. الطفلتان تمسكان بقشر
 البيض ويتاملان بحسره بعض أشلاء دمي السلاحف .. الأم تتحنن
 على الأرض وتديق النظر فى بصمات ضخمه يبدو انها لأقدام
 أفيال عبرت حديثاً هذا المكان ..)

أنثى فرس النهر : أفيال أفيال أفيال
 (بحزن يمتزج بالغضب) يا ما قلت براهو وعال
 تسقبنى الميه زلال
 م النبع وم الشلال

طفله (١) : تدينى اللقمه طريقه
 (بحزن) او حزمة عشب حلال

(تلتقط بحسره بعضاً من العشب المفتت والمقتلع من جذوره .. هدير
 الأفيال يتصاعد تدريجياً)

أنثى فرس النهر : تتقذ بنتى البكره
 (بحب وفخر) من نمرة فى الأدغال

طفله (١) :
أفيال أفيال في القلب
أفيال أفيال ع الببال

طفله (٢) :
عدت في جبال الألب
سبقت عسكر هانيبال (بافتخار)

(طفله ٢) تحمق بأسى في بصمات أقدام الأفيال التي يتناثر
حولها بعض قشور البيض المكسور .. يتلاشى تدريجياً هدير
الأفيال... ونسمع طلاقات رصاص تختلط بدبيب أقدام تعدو)

أنثى فرس النهر :
لحقت صياد مجنون
كان ناوى يطخ غزال

(يدخل المسرح رنا ومسز زرافه والطائر القيثاري)

رنا :
سيحانك رب القدره
يا مغير في الأحوال
أفيال إشتغلت سخره
وتشيل في تلول احمال

مسز زرافه :
من غير ما بتأخذ أجره
من صاحب رأس المال

رنا :
قطعت أشجار بجورها
سفت في غبار ورمال

انثى فرس النهر : قلعت أعشاب ببذورها
ونا ام وعندى عيال

الطائر القيثارى : م الجوع مش عارفه مصيرها
لو طلعت حتى جبال

(يهبط من سقف المسرح من إحدى الشجيرات صوره لغراب او دمية
او غراب محنط امام انثى فرس النهر فتلطمه بيديها .. نعيق غريان
يتصاعد تدريجياً يختلط بأصوات إنفجار بركان)

انثى فرس النهر : تحرقنى نيران بركان
(بغضب يمزج بالحزن) ييلعنى ميت زلزال
تخطئى شجرة زان
ولاً المرض البطال
لو أمد الإيد لغراب
يسرق عرق العمال

(تضرب دمية الغراب بقوه فيتأرجح مترنحاً فى كافة أرجاء المسرح
ثم يشد مره اخرى إلى سقف المسرح.. تللمم انثى فرس النهر بعض
وريقات الشجر وتعطى حفنه لكل من طفلتها .. الطفلتان يتناولان
وريقات الشجر بتللمل ويبدو سخطهما على نصيبهما من الطعام ..
رنا وامير يللمان بعض وريقات الشجر ويقدمانها للطفلتين .. الأم
تحت الطفلتين على الرحيل إلا انهما يمشيان بتناقل ويفادران المسرح
وتظل أنثى فرس النهر فى المسرح)

طفله (١) : بطنى تزقزق م الجوع

طفله (٢) : ونا عرقى الاحمر سال

أنثى فرس النهر : نتكلم فى الموضوع

طفله (١) : مش خارج تانى محال

أنثى فرس النهر : دلونى لحل يا ناس

انا ام وعسدى عيال (بحسره)

ما ملكش جبال الماس

ولا عزيه ولا رسمال

رنا : نزرع كوكب اعشاب

وكواكب للأفيال

وتقسمها الأصحاب

بالعدل على الأطفال

(تدخل المسرح السلحفاء النهريه ويراعى ان يكون ظهرها مغطى بصندوق رخو لونه بنى زيتونى وبه بقع داكنه وتشبه يداها وقدمائها العوامات .. بعد لحظات يدخل أمير المسرح .. تصرخ السلحفاء النهريه حين ترى قشور البيض المتكسر حول بصمات الأفيال وبعض اشلاء السلاحف الصغيره (من الدمى) .. رنا وأنثى فرس النهر تنظران نحوها بتعاطف .. يلتقطان بعض قشور البيض المختلط بوريقات الشجر)

السلحفاه النهريه :
بسملت ويوست البيضه
والحفرة عريضه .. عريضه
والحصى لؤلؤ وزمرد
والرملة الفضة البيضه

(السلحفاه النهريه ورنا ومسز زرافه والطائر القيثاري وأنثى فرس
النهر وإبنتاها يلملمون قشور البيض وبعض أشلاء السلاحف
الصغيره الميته (من الدمى) ويضعونهم برفق جوار بقايا جذع شجره
ويغطونهم ببعض العيدان ووريقات الشجر) .

السلحفاه النهريه :
ودعيت رينا يحرسها
من طير يبحوم حوالها
جواميس طائشه حتدوسها
او تيس يتكعبل فيها

(امير يخرج صباع طباشير من جيبه ويحدد به حول بصمات الأفيال
ويتصرف كضابط شرطه يحدد موقع الجريمة ..)

أمير :
قطر الأفيال يهرسها
يفرم راسها ورجليها
(بحزم)

رنا :
يا أمير مش كده هديها
ليه نارها تشعل فيها
(بغضب)

السلحفاه النهريه :
(بحزن)
من قبل ما تجرى وأشوفها
وتعوم واتونس بيها

أنثى فرس النهر :
(بحزن)
واتطمئن على زعانفها
واقرى طفولتى فى عنيتها

أمير :
(بغضب)
خدوا تارها م اللى ظلمها
نحبس لافيال .. نحاكمها

رنا :
(بغضب حاد)
يا أمير أسكت وإرحمها
وأصبر لما نفهمها

السلحفاه النهريه :
(بحزن ولوعه)
وبياريتها داست فوقى
بقدمها أو خرطومها
لو تكسرلى صندوقى
ولا عمرى كنت حالومها

أمير :
تلدعها السمكه العقرب
فى مساها أو فى صباحها

رنا :
يا أمير إنت بتجرحها
قل لها كلمه تريحها

أنثى فرس النهر : ترتاح إزاي يا اخواننا
د الضنا اغلى من روحها

(السلحفاه النهريه تهول نحو قبر سلاحفها وتخرج اشلاء سلحفاه
صغيره (دميه) وترىها لأنثى فرس النهر)

السلحفاه النهريه : فى عيالى إزاي أسامحها
(بغضب جامح) حاقاضيهيا ولازم أفضحها
واشكيها لمستر عقرب
يجلدها أو يدبحها
أنثى فرس النهر تلتقط منها أشلاء السلحفاه الصغيره (الدميه)
وتضعها برفق فى قبر السلاحف)

رنا : بادعى لربى يصبرها
(بحزن) ويكثر من سلالتهيا

أنثى فرس النهر : دى سلاحف البر إنقرضت
(بحزن) ولا شفننا ذريتهيا

أمير : ليه الأفيال تظلمها
(بغضب) وعيالها بتموتها

رنا : الظالم هو البادى
(بغضب) مش هيه اللى ظلمتها

دا غراب ینعق وینادی
وحیجلدنا بشکوتها

الطائر القیثاری :
بکره الأقیال یا بلادی
راح تصحی من غفلتها

مسز زرافه :
وحتلعب مع اولادی
وتحاسب علی خطوتها

رنا :
وتفنی حادی یا بادی
ترجع تانی لطفولتها
ترمی حملها فی الوادی
وحترفض عبودیتها

السلحفاه النهريه :
بتزودوا لیه فی جروحی
بتبرروا لیه عملتها

أمیر :
مین فیکوا بس یلومها
لو خدت التار فی ساعتها
لو تشفی غلیلها بإیدها
تحاسبها علی جریمتها

السلفاء النهريه :
حاشكيها للأرنب بكره
ولا حدش فيكوا يغيثها

رنا :
دا غراب البين النوحى
هو السر فى أزمتهـا

الطائر القيثارى :
لطيبتهـا أو سذاجتهـا
راح تخسر حريتهـا

(يدخل المسرح الناظر الذى يرتدى قناع الأرنب ويحمل عروسه باربى وحزمه زهور وخلفه مستر عقرب يمشيان وكأنهما فى جنازه عسكريه نحو قبر السلاحف .. أمير يمشى خلفهما ويقلد خطواتهما .. الناظر الأرنب يحملق بحزن لقبر السلاحف لبضعة لحظات .. يزيع عيدان الشجر برقه بالغه ثم يضع (العروسه الباربى) مع أشلاء السلاحف الصغيره (الدمى) ثم يغطى قبر السلاحف مره أخرى .. مستر عقرب يلتقط حزمه الزهور ويعطى الزهور لأمير .. يضع أمير الزهور على قبر السلاحف .. الناظر الأرنب يتحنى للسلفاء النهريه ويحذو حذوه مستر عقرب .. ثم ينحنى امير مثلهما)

الناظر الأرنب :
(بحزن معطع)
أنا جيت من آخر العالم
يا سلاحف شرخت قلبى
وحزين أكثر م اللازم
ليه ماتت قبل ما تحبسى

كان نفسى أشوفها يا عالم
تلعب بعرايس باریسی

مستر عقرب :
(بافتخار مسطع)
ودا ارنب عادل حازم
بضمیر امریکی اورویسی
بیحاسب ایها ظالم
لو كان الدب القطبی

السلحفاه النهريه :
(بغضب)
عشان اعرف راحة البال
خد تارى من الأفيال

امیر :
(بغضب)
خد تارها م اللی ظلمها
احبس لافیال وحاكمها
حرمتهها من اطفالها
ولا یمكن راح نساومها

(رنا تهزول نحو صديقها امیر فیعطها ظهره)

رنا :
(بحزن)
إسمعنی یا صاحبی امیر
انا عارفه إنك إنسان
دا غراب ماکر وخطیر
ویلعب بالأحزان

يتعلم حيّل الطير وعجائب الحيوان	الطائر القيثاري :
فن التمثيل لموليير علم التصوير لسيزان	أنثى فرس النهر :
م الأخوه جريم اساطير والرقص من الأسبان	مسز زرافه :
وف دايرة الطباشير قاضى يسيطر ع الجان	رنا :
مستر عقرب شرير لدع التعبان بحنان يدى حقنة تخدير للشجره بالألوان	الطائر القيثاري :
عضو فى هيئة تحرير للمافيا والإعلان ومعادى للتطوير ضد حقوق الإنسان	أنثى فرس النهر :

رنا :

وبيسرى فى كل ضمير

زى خلایا السرطان

إسمعنى يا صاحبى امير

انا عارفه إنك إنسان

(أمير يعطى رنا ظهره ولا يستجيب لها ويشير نحو بصمات الأفيال
المحدده بالطباشير)

أمير :

خد تارها م اللى ظلمها

احبس لافيال وحاكمها

حرمتمها من اطفالها

ولا يمكن راح نساومها

(تدخل خمسة أفيال تحمل جذوع الشجر .. تطوف حول الجميع فى
المسرح.. يفسحون لها الطريق خوفاً من بطش أقدامها .. السلحفاه
النهرية تثور حين تراها وتهزول نحوها بغضب يتبعها امير)

السلحفاه النهرية :

بركان .. بركان

خد فى القوران

(بغضب)

خرطوم الفيل

امير :

إعصار .. إعصار

م الدار للثار

وريه الويل

اثنى فرس النهر :

قطر الأفيال

أعمى يا غزال

والصبر رزىل

رنا : زلزال .. زلزال

الحرب .. نزال

قاتل وقتيل

(السلحفاه النهريه وامير يضريان الأفيال فيدفعونهما بعنف ..
يسقطان على الأرض ويكادوا أن يدهمونهما .. رنا تهرع نحو أمير
وتتقذه أنثى فرس النهر تهرع نحو السلحفاه النهريه لإنقاذها ..
الناظر الأرنب ينقذ السلحفاه النهريه قبل أن تصل اليها أنثى فرس
النهر ، مستر عقرب يتابع الموقف دون أن يتدخل)

الأفيال : يا مهون

هـيـلا هـويـا

وهـوّن

على راسى

وخرطومى

بيشّون

شوف نابى

يا تمرجى وسننّ

يا حمولى

ولا حد يحننّ

ولا راحه

ولا كلمه تطمّن

لا بنفرح

ولا نلحق نحزن
من جوعنا
نظلم ونخون
ونعضعض
في ديول بعضينا
ولا كاتب
في الأجره
يدون
ولا صاحب
بيطل علينا
ولا مطرح
في الغابه
بنسكن
والأرنب
بيعدب
فيننا
وحسابه
في البنك
يمون
ولا نعقل مره
وتتجنن
ولا نرمى
حمولنا

وشكاوينا
يا ظالمنا
إمتى حنتمكن
يا مهوّن
هिला هويا
وهوّن

(السلحفاه النهريه وأمير يلقيان ببعض قشور البيض على الأفيال
فتطاردها بإلحاح)

أمير :
يا عقارب .. يا عناكب
انا عمري ماطاطى مناكب
والشمس تنام على حجري

السلحفاه النهريه :
يا سلاحف .. يا زواحف
يا عساكر النمل الزاحف
الفيل حيدوس على صدرى

(رنا تجرى خلف الأفيال وتحاول أن تدفعهم بيديها الصغيرتين
فتسقط على الأرض .. يتردد أمير فى إنقاذها فينقذها الطائر
القيثارى وأنثى فرس النهر)

أنثى فرس النهر :
يا تلالسى .. يا جبالسى
انا نفسى اروح لعيالى
ولا يمكن حاهرب واجرى

رنا :

يا بحارى وأنهارى
يا غوريلا ديارها فى دارى
الفيل غضبان من بدرى
ويا عقرب .. يا خواجه
الفيل مش فاهم حاجه
حاشرح له وأبوح له بسرى

(مستر عقرب يهمس فى أذن الناظر الأرنب فيستدعى مجموعه من
العمال يمسكون بنادق الصيد ويطلقون الطلقات المخدرة على الأفيال
فيسقطون على الأرض .. مستر عقرب يضع قدمه على أحد الأفيال)

الناظر الأرنب :

أنا عندى الحل العلمى
والمطره بكيفى ترخ
باستسخ بمعادلاتى
تتين او طائر رُخ

مستر عقرب :

والحل ف نظرياتى
عمليه فى فص المخ
حاستأصل مركز جوعها
كل الأفيال حتسخ

(العمال يدخلون بنقلات لحمل الأفيال)

{إنهاء المشهد الثالث}

المشهد الرابع

تعديل لطيف فى الديكور عن المشهد الثالث .. المسرح نظيف تماماً
من أوراق الشجر وريش الطيور وقشور البيض .. يتدلى شريط الدنا
الوراثى على جرس المدرسه وخشبية مرمى كرة القدم ودائرة كرة
السله بين الفروع والياف الشجر بحيث يبدو واضحاً وبارزاً وبألوان
فسفوريه ونرى جواره أجهزة رادار أو(أطباق دش صغيره) .. عند
فتح الستاره نرى أربعة افيال راقده على أربعة اسرّه بعجلات
ونلاحظ أن الأفيال حليقة الرأس تماماً يخلع أحدهم قناع الفيل
ونكتشف أنه الممثل الذى قام بدور النجار ثم يرتديه مره أخرى ..
خلف الأسره مكتب خشبى حديث ومقعد .. كومبيوتر محمول فوق
المكتب .. يدخل المسرح مستر عقرب يرتدى زى طبيب ويعلق سماعه
على صدره .. تصحبه السلحفاه النهريه مرتديه زى ممرضه مع
إحتفاظها بقناع السلحفاه وممسكه بحقنه كبيره للغاية وأمير ممسكاً
بمسدس الجينيات..تهرع نحو الأفيال وتغرزها بعنف فى أذرعهم ..
فيصرخون من الألم ويجلسون على حواف الأسره يحملقون نحو
السلحفاه النهريه بغضب .

الأفيال :

مستر عقرب

بقه

دكتورنا

وبيضحك

لما

يكدرنا

بمسدس

يلعب

في جيناتنا
 ويبرمج
 من تانى
 افكارنا
 ويغير
 من شخصياتنا
 ولا نعرف
 ايه اللى جراننا
 ويسمكر
 فى شاسيه
 عضلاتنا
 وعمودنا الفقري
 وأوتارنا
 من بكره
 يزود حمولتنا
 الناظر
 اللى مسخرنا
 وسلاحف
 مفروض
 من كارنا
 بالحقنه
 غاويه
 تخدرنا

(الأفيال يرتمون على الأسره فى توقيت متزامن .. السلحفاه النهريه
تفتح عينى كل فيل بعصبية كى تتأكد من تخديرهم أمير يعطى
الدكتور عقرب مسدس الجينات ثم يطلق الدكتور عقرب فى رأس
كل فيل طلقه تحدث دويأ مكتوماً)

الدكتور عقرب :

متخرج من جامعه فى لندن
من موسكو ويجوز فى الأردن
المغرب بقه زى المشرق
والشمس بتشرق فى واشنطن
باتمولم عولمه طبيه
ما بتفرق جنسيه وموطن
عمليه جديده وثوريه
لصبيه فى كينيا بتمسكن
لا تدور على زاد ولا ميه
ويتسنى الماكل والمسكن
عمليه لأفيال هنديه
بعديها بترسم وتلون
فى حدود الدوله العالميه
والحاكم عقرب متمكن

(الأفيال ينهضون من نومهم ويجلسون على حواف السرير ويحملقون
بذهول نحو الدكتور عقرب والسلحفاه النهريه .. السلحفاه النهريه
تهرع نحوهم وهى تشهر حقنتها الكبيره فى وجوههم)

السلحفاه النهريه :
أحلامكم ممنوعه قسرياً
ويا ويلكم انا خدت التار
(بغضب)

ارنبى

دكتور عقرب :
(بمرح مصطنع)

دكتور لولبى
حقيق ماربى
ويا ربح كهري
عقل التلاميذ

الناظر :
(بفرح)

ويا شمس اعرى
واطفشى واهرى
ع الفيل كركبى
كل الدهاليز

السلحقاه النهريه :
(بفضب)

الفيل لو صبى
عبرى او غبى
غلبان والنبى
وقتوع ولذيذ

الدكتور عقرب :
(بفخر)

ناظر كوكبى
فين امى وابى
كله فى ملعبى
خرفان ومعيز

الناظر :
(بفرح شديد)

(الناظر الأرنب يقرب مره أخرى حزمة الأعشاب من فيل (٢٠٣،٤) فيرفضون تناولها وحين يقربها من فيل رقم (١) ينقض على يده ويلتهمها على الفور وبعض إصبعه .. الناظر الأرنب يصرخ من الألم ويتقهقر من الذعر .. يحملق نحو دكتور عقرب والسلحفاه النهريه بدهشه فيطأطأ رأسه د.عقرب ع الأرض .. فيل رقم (١) النجار ينهض من سريره ويطارد الناظر الأرنب .. دكتور عقرب والسلحفاه النهريه يختبئان خلف جرس المدرسه الذى يتدلى منه شريط الدنا الوراثى.. أمير يهرب ويفادر المسرح .

فيل رقم (١) :

إدينى كمان

أنا فيل جوعان

وحاعض لسان

ايها إنسان

حيجوعنى

(الناظر الأرنب يبحث عن د.عقرب فلا يراه فيستمر فى الطواف فى المسرح)

الناظر الأرنب :

عقربى يا جبان

هات الفرسان

حطوه فى ليमान

فى جحور الجان

حيقطننى

(بذعر)

د . عقرب :
(يهيمى خلف الجرس ويغنى
بصوت خفيض)
انا مالى يا عم
الفيل غضبان
انا لحم وسم
مانيش طرزان
دنا خايف حتى
ليسمعنى

(السلحفاه النهريه تخرج من مخبأها وتطارد الفيل بحقنة التخدير
الكبيره .. يحاول الفيل ان يهرب منها ويطوفان فى المسرح والناظر
يختبأ خلف جرس المدرسه جوار دكتور عقرب) .

السلحفاه النهريه :
الفيل خرطوم
وهدير مكتوم
حقنه وحيعوم
فى بحور النوم
ولا يفزعنى

(الفيل ينهض فجأه ويلتفت للخلف ويمسك بالسلحفاه النهريه
ويختطف حقنة التخدير .. تقلت من السلحفاه ويطاردها ويهددها
بحقنة التخدير)

الفيل :
أنا نابى مستون
بيهد سجون
وقلاع وحصون
واعمل مجنون
للى يبيعنى

"السلحفاه النهريه تختبئ خلف سرير فيل (٤) وتتقهقر للخلف وهى تسحب السرير حتى تغادر المسرح د.عقرب يختبئ خلف سرير فيل (٣) ويجذو حذوها وينادر المسرح ، الناظر الأرنب يختبئ خلف سرير فيل (٢) ويفعل مثلهما .. الفيل رقم (١) يدفع سريره الفارغ خلفهما وينادر المسرح .. رنا تدخل المسرح تحمل ورقه ملفوفه بإحكام وتبدأ فى فكها عند دخولها تتبعها مسز زرافه والطائر القيثارى ، أبنوس ، باباظ ، انثى فرس النهر"

رنا : وفقاً لمواد الدستور
وقانون اللعب المحظور (بغضب)
يُحبس حاكم غابة المطره
يتحاكم وسط الجمهور

(فيل رقم (١) يدخل المسرح ويدفع الناظر الأرنب والدكتور عقرب والسلحفاه النهريه وأمير وهما مقيدون بالحبال نحو رنا ومسز زرافه والطائر القيثارى .. أبنوس وباباظ يحضران سجنأ من فروع الشجر ويقتادان الناظر نحوه .. د.عقرب والسلحفاه النهريه يختبئان خلف رنا ومسز زرافه والطائر القيثارى) .

فيل رقم (١) : الناظر أرنب مذعور
(النجار) والذنب دا ذنب الدكتور
حيجرب فيكو العمليه
وحيبقى عالم مشهور

(دكتور عقرب يخرج من مخبأه كى يدافع عن نفسه)

دكتور عقرب : الناظر عندي وأناى
(باستكانه)
خلانى اعملها بالزور
هددنى حيقص لسانى
يرفدنى ويرمىنى م السور

الناظر الأرنب : العقرب يبيزق حصانى
ونا نايم تحت الحنطور
(أمير والسلحفاه النهريه يخرجان من مخبأهما ويدافعان عن
العقرب)

أمير : العقرب رفض العمليه
(بثقه)
ولا يمكن انا حاشهد زور

السلحفاه النهريه : وطاوعته والحق عليه
(بثقه)
خوفنى بصقور ونسور

الناظر الأرنب : يبيعونى فى مزاد مجانى
(بحزن)
ونا دمي اصيح مهدور
(رنا تقترب من امير وتحملق فى وجهه)

رنا : انت بتكذب يا أمير تانى
(بحزن)
وبتعمل عبد المأمور

أمير: انا معجب بالعقرب جداً
(مرتبكاً) فى الأزمه بيخش جحور
(رنا تهز امير من ذراعيه)

رنا: مين الظالم يا أمير قوللى
(بغضب) الناظر ولا الدكتور

أمير: العقرب متمكن جداً
(مرتبكاً) لما يبهدى ولما يثور

رنا: ليه تهرب م الرد يا صاحبي
(بغضب حاد) وبترقص زى الدبور

أمير: الناظر هو المسئول
(بغضب وكأنه يتخلص من عبء نفسه) وإتكتبت فى سيناريو الدور

(رنا تفك قيود أمير ، د.عقرب ، السلحفاه النهريه)

مسز زرافه: شكلوا لجنة لجرد العهده
(بحسم) دلوقتى بيان المستور

الطائر القيثاري: المخزن تحت البيروم
(بتقه) دهاليزه محفوره فى صخور

رنا :
ننزله فى قرار البير
لو تحته بركان بيفسور

أنثى فرس النهر :
نطلع له على سور الصين
او فوق الجبل المسحور

(رنا ، أبنوس ، باباط ، أنثى فرس النهر ، يخرجون من المسرح
لإجراء عملية الجرد ، يخرج خلفهما أمير ، السلفاء النهريه)

الناظر الأرنب :
العقرب سلمته العهد
وغيرت القفل المكسور

د.عقرب :
عهدته مكتوبه فى أجنده
توقيعه بريشة عصفور

(أمير يخرج ويعود بالأجنده ويعطها لمسز زرافه)

(رنا ، أبنوس ، باباط ، وأنثى فرس النهر يدخلون المسرح ويبدو على
وجوههم الغضب) .

رنا :
مخزن سرى

بدرايزين

شفت العهد

وقلبى حزين

فرعين شجره

او غصنين
شجره إنقرضت
من ملايين

عاج الفيل
او فرس النهر
عُرف الخيل
مشدود وترين

أنثى فرس النهر:

فرو الدبه
الدميه كوالا
فى جاكته بكولا
وصفين

مسز زرافه:

جلد المهر
وتعلب فضى
نمر مخطط
وزرافتين

أنثى فرس النهر:

وتابوت موميا
لقزم رزين
كان راعى
فى جبال الصين

ابنوس:

رنا :

لعبي وكتبى
وضفیرتین
ریش عصفوره
فی قرص عجین

الطائر القیثاری :

کریاج ترکی
وعصایتین
هیکل عظمی
لیماتین

باباڤ :

سرقوا ملفولتی
وکنت جنین
قزمه یتیمه
لأب هجین

مسز زرافه :

حلم فراشه
بشجرة تین
ولّا غزاله
ببيت وعین

أبنوس :

حلم القزمه
بالبنّین

يطولوا بوصه
أو بوصتين

رنا :
حلم البذره
بالتكوين
حلم طفولتى
ملك لمين
مش ملك
لعقرب
بنابسين
ولا ملكك
يا غراب البين

(أمير والسلحفاه النهريه يدخلان المسرح)

الطائر القيثارى :
يعزل ناظر غابة المطره
ومدان طبعاً بجريمتين
(بغضب)

أنثى فرس النهر :
تبديد عهده والعمليه
والباقي ما احناش عارفين
(بغضب)

رنا :
حد يرشح نفسه بداله
ومفيش ناظر بالتعيين
(بجديه)

من حقنا نختار الناظر
مش حنقول حاضر وآمين

”دكتور عقرب يرفع يديه ، الطائر القيثاري ، فيل رقم (١)”

أبتوس : دكتور عقرب
(بغضب) باع الأرنب

باباظ : رشح نفسه
(بغضب) ليه للمنصب

أمير : اللعب
(بغضب) خساره
او مكسب

السلحفاه النهريه : ليه بنحارب
(بهذوء) إحنا بتلعب

رنا : راح نختار
الحل الأصعب
والعقرب
دكتور متعصب
مش ممكن
فى الآخر يكسب

(العقرب يقدم اوراق ترشيحه لرنا وينظر نحوها بسخرية)

الدكتور عقرب :
رغم رأى الأغلبية
العقارب مش غيبه
مش فصيله عدوانيه
أكل عيشها من السموم
لينا حكمه ونظر ثانيه
فى الحروب الكيمائيه
والحياء مش فانتازيه
مش زخارف او رسوم

أمير :
العقارب عبقريه
دكتوراه فى كل العلوم
(مؤيدا)

دكتور عقرب :
الفصيله الإنسانيه
ليها نظره واقعيه
فى الحروب الكوكبيه
ولا فى اكل اللحوم
فى الشعاب المرجانيه
اى سمكه تمر حيه
بالرماح المجهره
بتحاصرها بالهجوم

الناظر الأرنب :
(معترضاً)
عنده حقن السم غيه
حتى لو مالهوش لزوم

د. عقرب :
(بثقه)
السمندل سم حيه
حيه تعمل ديلها خيه
فخ دوده للكتاريا
والعناكب فى الهدوم
للنبات نفس المهاره
يفرز السم فى عصاره
والخنافس فى الزياره
تستخبي او تصوم

رنا :
(معترضه)
ليه توسع فى القضيه
لجل تقنع فى الخصوم

د. عقرب :
(بإستكانه)
ليه تمللى بتلومونى
ويكلامكو تسممونى
نفسى مره تتصفونى
مستحيل الحال يدوم

أبنوس :
(بخوف)
آه يا خوهى لما يابىد

باباظ : ولا يتمسكن فى يوم

رنا : بومه غنت زى هدهد
برضه بومه وبنت بوم

مسز زرافه : مهما یرکع ولا یسجد
(بتهکم) برضه عقرب لو یقوم

رنا : یتى ديله ولا یفرد
(بغضب) طبعه یغلب لیه نلوم
نمس یاکله ولا قنفد
له مناعه من السموم

أنثى فرس النهر : نسمع الطیر المفرد
اللى غنى للنجوم

(الطائر القيثارى يقدم اوراق ترشيحه لرنا)

الطائر القيثارى : طیر قيثارى
(بنور) وإستوائى

لونى بنى
وکستائى
رقصى أجمل

من غنائى
كله يحسدنى
لذكائى
حتى بيتوفن
يألف
سيمفونيه
فى هجائى

ياحلاوته ويا جماله
ديله أجمل من خياله

مستر عقرب :

لما أغنى
ع الروابى
فى فجر بارد
أوشنائى
الصبايا
تدق بابى
رغم غضبى
واستياى
مش اغانى
عاطفيه
ولصبيه
مش وفيه

الطائر القيثارى :

أو طيبب
ضئع دوائى

الصبايا ليه فى باله
نفسى أعرف إيه جواله

الناظر الأرنب :
(بتهكم)

بابنى عشى
فى العلالى
دورى
مش أب لعيالى
طير مقاتل
أو فدائى
دبلى فضى
فوق عنيه
هليكوپتر
مروحيه
لجل احذر
طير عدائى
وأحمى أرضى
أو سمائى

الطائر القيثارى :
(بفخر)

نجم سعده ومكتوباله
المدام تحرس عياله

فيل رقم (١) :
(بتهكم)

أمير : من نسور مرت قبالة
(بتحكم) او طيور مش مرتاحاله

رنا : كل كلمه وليها لازمه
فكروا في كل اللي قاله
كل طائر عنده حكمه
او إجابته عن سؤاله

مسز زرافه : طير مفرد عدوها له
(بتعاطف) بكرة حيعدل في حاله

بابا بط : جوزي يكسب مهما قاتوا
(بفخر) عقله كنزه ورأسماله

أنثى فرس النهر : قزم شاطر طب وماله
(بتعاطف) نفتح السكه قبالة

أبنوس : مظهرى طفولى ولكن
(بتفه مفرطه) قزم قد المسئوليه
عقلى هو مؤهلاتى
او ثقافتى الإنسانيه

أُمير :
(بدهشه)

قـزم ناظر
مستحيل يقنع عنيه

رنا :

المظاهر
مش حقيقه جوهريه

أبنوس :
(بثقه مغرطه)

عمري ما كرهت فى حياتى
قد لوحه أغريقيه
يرسمونى كائى آتى
من مفاره شيطانيه

الناظر الأرنب :

شفته ساحر
فى الفنون التشكيليه

مسز زرافه :
(بتردد)

حقه لکن
يبقى دوره فى مسرحيه
أو مهـرج
فى الحكايه الفرعونيـه

رنا :
(بتعاطف)

أو نغـسير
أى نظره عنصريه
قـزم طـور
فى القبيله الأفريقيه

أبنوس : لو سمحتم تسمعونى
(بحزن) وكلمونى بموضوعيه
اى جمله تهكميه
فى العيوب الجسمانيه
حانسحب فوراً فى ثانيه

باباظ : هو عبد ولا سيد
(بغضب) ناقصه رجل ولا إيد
ولا داس على صدره قطر

أنثى فرس النهر : هو ميكروب ولا فطر
(بغضب) تشطبوہ من اى سطر

رنا : ما تقيسوه
(بغضب) بالسنتيمتر
عبريه
فى مللى متر
والنبوغ
فى الفمتو متر

(تدخل السلحفاء النهريه وأنثى فرس النهر .. الفيل ينهض كى يقدم
نفسه ويعطى اوراق ترشيحه لرنا .. السلحفاء النهريه تخطف اوراق
ترشيحه وتمزقها)

السلحفاه النهريه :
الفيل لثيم
شيطان رجيم
(بغضب)
إستبعدوه

"الفيل رقم (١) يتراجع بضعة خطوات ويبدو محبطاً"

رنا :
الفيل زعيم
ناظر حكيم
(بغضب)
ما تشجعوه

انثى فرس النهر :
الفيل خجول
دائماً حمول
(بغضب)
ليه تظالموه

د.عقرب :
انا بعد إذذك
أو بعد إذنى
(بتهكم)
انا ليه أبارزه
ولا يبارزنى
وانتم مؤكد
حتشطبوه

أمير :
السيرك عايزه
ومش عايزنى
(بتهكم)
ناظر محطه

فى والت ديزنى
ولا بد طبعا
حتحصوه

الفيل رقم (١) :
(بحزن)
انا كنت باحلم
وصحتونى
فى الحلم أرنب
او قط رومى
بتدلعونى
وتسرحونى
ولما شفتوا
خرطوم همومى
بتضربونى
وترجمونى
كان نفسى مره
ترشحونى

د.عقرب يحاول إجراء الكشف الطبى على الفيل ومعه امير
والسلحفاه النهريه .. رنا والطائر القيثارى وياقى الموجودين على
المسرح ما عدا انثى فرس النهر يقفون صفاً واحداً امام الفيل رقم
(١) صفاً واحداً ويمنعون د.عقرب من ذلك .. أنثى فرس النهر
تهرول نحو الكواليس وتعود بعد لحظات وفى يدها دفتر العهد
وتريه للجميع)

- رنا : مش حنفتى
ونقول توت
- الجميع : طبعاً .. طبعاً
- مسز زرافه : ولا حنفكر
زى روبوت
- الجميع : طبعاً .. طبعاً
- الطائر القيثاري : حيلة العقرب
مش حتقوت
- الجميع : طبعاً .. طبعاً
- رنا : واللى بيكدب
مالهوش صوت
- الجميع : طبعاً .. طبعاً
- أنثى فرس النهر : إمضته تشبه
دیل الحوت

- الجميع : طبعاً .. طبعاً
- أبنوس : والسحليه
والبرغوت
- الجميع : طبعاً .. طبعاً
- رنا : واللى بيدد عهده
وقوت
- الجميع : يشطب طبعاً
(أمير والسلحفاه النهريه يغادران المسرح)
- رنا : وحنختار
ناظر مظبوط
- الجميع : أبنوس طبعاً

(رنا تفك قيود الناظر الأرنب فيفر من المسرح مذعوراً وتقيد
العقرب وتسوقه نحو الزنزانه ..رنا ومسز زرافه والطائر القيثاري
وأنش فرس النهر وباباظ يهثون أبوس..رنا تدق جرس المدرسه ..
الجميع يخلعون الأقتعه ويلقون بها فى الهواء ، الناظر ، امير ،
السلحفاه النهريه يدخلون المسرح ويفعلون مثلهم ..د .عقرب يخرج
من الزنزانه ويمد يده الموثقه كى يفكوا قيوده ..رنا تفك قيوده ..
الجميع يرقصون ويغنون)

رنا : كلنا واحد
(تكررهما المجموعه) أصلنا واحد
واللى خلقنى
وخلقك واحد

الطائر القيثارى : قالوا فى النشره
نفس الشفره
لجينات حشره
وانسان جاحد

الناظر : مستر جليفر
كان غيرك أشطر
مهما تغفر
ولا تعاند

(السلحفاه النهريه تتجه نحو الناظر وترقص حوله)

السلحفاه النهريه :
قولوا للقاضى
الناظر راضى
والمره ادى
محتاجه شاهد

(الناظر يعطى ظهره للسلحفاه النهريه مصطنعاً الغضب)

مستر عقرب :
عقلة صابغ
نجم ولامع
إيه المانع
كل دا وارد

(أمير يعطى سيفه لمستر عقرب)

أمير :
اكسر سيفى
وعض رغيفى
بس يا خوفى
لما تهاود

(مستر عقرب يكسر السيف ويعطه لأمير ويبتسم بخيث)

مسز زرافه :
وانت يا شاطر
تعمل خاطر

الى يخاطـر
أو ببساعـد

حق الآخر
حيعيش راخر
لو طير طاير
وغزال شارد

أنثى فرس النهر :

كلنا نسعى
وولاد تسعه
فيل أو بجعه
وقزم ومارد

رنا :

واحد عندى
زنـجى وهندى
واللى بيدى
واللى بياخد

مستر عقرب :

حقى فى إيدى
ما إنتش سيدى
ونا مش عبيد
لايها واحد


الفيل :

{نهاية المشهد الرابع والمسرحيه }



نبيل خلف

١٠



نبيل خلف

الأم الخشبية

أوبريت للأطفال



أرنب وعقرب

أوبريت للأطفال

Bibliotheca Alexandrina



0452950